

URATACA CENTER

Mushroom Chicken, Mixed
Rice, Yuca & Banana
Afl.10

Tel: 585-5212



Ultimo Ora...Ultimo Ora... DESIREE A BISA: “TE AKI M’A YEGA CU AVP”

“Mi ta retira di AVP y di politica y no ta bolbe bek riba lista”

Desiree a admiti su plan secreto pa entrega amienda pa
asunto homosexual

**Desiree: E diferencia entre
“samenlevingscontract”, “geregistreerd
partnerschap” y “openstelling huwelijk”**



**Nel Oduber na Mike Eman:
Stop di gaña! Bay puntra
bo ruman Henny cu a
exonera Exxon**

Celebrando
expansion di flota y
crecimiento stabil

**Aruba
Airlines ta
celebra
ncorporacion
di su di
cuater
avion**



**E BERDAD Y NADA
MAS CU E BERDAD**

NA TOPFM 95.1

PA 9:00 PM

PRESENTA PA:

**KAREL
MADURO**



DIAMARS Y DIAHUEBS

GRAN ESTRENO RIBA CANAL 22



**LA
ESCLAVA
BLANCA**

Porque la sangre tiene el mismo color

Sospechoso busca pa casonan di kiebro y ladronicia deteni pa K9 U



Dialuna mainta patruya di K9 Unit a subi caya en busca di sospechosonan busca pa husticia.

Den esaki a detene

e hoben di 25 aña, J. Maduro na su cas na Jaburibari, Caya Franse Bloem. E ta wordo busca pa recherche, relaciona cu kiebro y ladronicia.

Presentacion di Publicacion (E-Book) "Ingles Crioyo na Aruba" na Scol di Arte Diarazon 6 di Juli



Diarazon dia 6 di Juli 2016 IPA y su Centro di Investigacion y Desaroyo di Enseñanza (CIDE) den colaboracion cu UNOCA lo presenta un publicacion den forma di E-Book tocante: "Ingles Crioyo na Aruba".

Profesor di linguistica Hubert Devonish di University of West Indies (UWI Jamaica) hunto cu investigador, Julian Chambers y miembronan di comunidad a colabora durante e ultimo dianan pa documenta parti di e historia, gramatica y vocabulario di e Ingles

Crioyo unico di Aruba conoci den comunidad como San Nicolas English/ Sani English/ We English/Village Talk/ Caribbean English etc. Cu e gran sosten di diferente hende den comunidad a tene diferente encuentro y a conversa cu diferente persona y grupo clave den comunidad.

Basa riba e contribucion aki sosteni pa literatura y documentacion audiovisual, a produci un publicacion den forma di un E-Book tocante e topico di Ingles Caribense na Aruba. Lo presenta esaki

na un y tur durante e anochi aki. Tur hende ta bon bini. Durante e encuentro lo tin e oportunidad pa duna feedback riba e buki. Ainda por aporta na e producto final.

Nos ta spera di wak un y tur: 6 di Juli 2016 na Scol di Arte San Nicolas pa 7:15 pm.

Idioma: Ingles y Entrada: Gratis

Si tin pregunta tocante e proyecto por tuma contacto cu Gregory Richardson via mail Gregory.richardson@ipa.aw of na tel 5243100 ext 133.

Ban CUBA na luna di Juli

**YAMA
BENITO
TOURS
5940052**



Desiree a admiti su plan secreto pa entrega amienda pa asunto homosexual

Desiree: E diferencia entre “samenlevingscontract”, “geregistreerd partnerschap” y “openstelling huwelijk”

Segun Desiree Croes, cu den e dianan aki e discusion a cuminsa riba un posibel cambio den ley unda lo por introduci e, na Hulandes yama 'Geregistreerd Partnerschap' cu na Papiamentu por wordo traduci como “union civil” of un registracion huridico di pareha.

Parce cu pueblo falta basta informacion kico un union civil ta encera y kico esaki por significa pa Aruba. Cu e articulo aki, mi kier splica e diferencia entre un contrato di convivencia, un

union civil y un matrimonio igualitario.

Aruba conoce di basta aña caba un “samenlevingscontract” unda parehanan straight of gay por regla nan relacion na notario. Den un contrato di convivencia, por regla cual bien ta di ken, p.e. esun ta doño di e cama y e otro di e flatscreen. Varios pareha homosexual cu no tin otro manera pa regla nan asuntonan huridico, ta scoge pa regla por lo menos e minimo aki den un contrato di convivencia. Ta obvio cu un contrato di

convivencia no ta brinda suficiente seguridad huridico pa un pareha.

Un union civil contrario na un contrato di convivencia, ta regla tur asunto huridico pa e pareha. Tur loke ta bienes, loke ta derechonan y loke ta obligacionnan di e pareha lo keda acorda den presencia di un notario. Esaki lo trece cu ne - den esencia- no lo tin diferencia di consecuencia entre un matrimonio y un union civil. Solamente cu esaki no lo pasa na edificio di Censo, sino na oficina di un notario. Na

paisnan cu tin e posibilidad pa regla un union civil entre pareha, parehanan ta celebra nan union cerca e notario den presencia di famia y amigo. Tanto parehanan straight, como parehanan homosexual por bin na remarke pa cera un union civil.

Matrimonio igualitario, of “openstellinghuwelijk”, ta significa cu no lo tin restriccion di sexo pa contrae matrimonio, pues no ta homber cu muher so por casa, pero muher cu muher y homber cu homber tambe. Varios

pais na mundo cu ta hopi Catolico y/of Cristian e.o. Mexico, Argentina y Spaña a habri e institucion di matrimonio y haci'e igual pa straight y gay.

Awor aki na Parlamento di Aruba, mi tin un amienda (un peticion di cambio di ley) pendiente pa introduci union civil den nos codigo civil. Solamente cu un mayoria di minimo 11 Parlamentario por haci posibel cu union civil por bira posibel na Aruba tambe. E ta un derecho humano basico, asina Desiree a finaliza bisando.

Ultimo Ora...

Desiree a bisa: “Te aki m’a yega cu AVP”

“Mi ta retira di AVP y di politica y no ta bolbe bek riba lista”



Den un entrevista haci cu Jacki Suttle di X'Clusivo, Desiree Croes a declara mustrandocu e ta hopi rabia cu su partido AVP y cu e lo keda su ultimo aña den e partido y lo no bolbe.

Esaki ta basa riba e hecho cu e mester a haya basta critica interno den AVP mes.

Den un tono hopi disgusta, Desiree a bisa cu te aki el'a yega cu AVP y cu politica. E lo keda su ultimo aña y djey lo retira y lo no aparece mas

riba e lista berde.

Tur esaki tin di haber cu su postura, unda den secreto, e kier a habri e porta riba un kier, pa asuntonan homosexual.

El'a wordo tuma na malo, di a actua manera un ladron den anochi. Den secreto prepara un amienda, sin nunca a informa pueblo.

Obvio cu Mike Eman no tin control ni liderazgo. AVP a bira un free for all. Ken cu ta, ta haci kico cu nan kier.

Reunion pa asunto homosexual a wordo yama pa 22 Augustus 2016

Desiree a confirma di kier tira un atraco riba e ley..

Segun SOLO a bin comprende, e tratamiento den parlamento di e ley di cambianan na nos Codigo Civil (Burgerlijk Wetboek) cu tentativamente lo mester a tuma lugar e siman aki a keda posponi pa dia 22 di Augustus 2016.

Segun e grupo cu ta contra e intento di atraco di Desiree a bisa cu; “Por considera esaki como un triunfo chikito, pero e lucha no a termina”

Un vocero di esnan cu ta opone, entre otro religiosonan, e logro di awe ta consisti

di a trece na conocimiento di henter pueblo di Aruba, un plan secreto y scondi pa trece un cambio den e ley cu un amienda pa asina permiti ‘geregistreerd partnerschap’ na Aruba, pues parehanan di mesun sexo lo haya mesun derecho cu parehanan den matrimonio.

Esaki a wordo publicamente admiti via facebook di ruman muher di Desi, esta Miriam Tonk - Croes.

E grupo cu ta opone a sigui bisa cu “E lucha no a caba!

Apenas el'a cuminsa! Mester sigui informa/ educa cu e plan aki ta contradeci Dios su ley y Su mandamentonan”

Por cierto, hasta Corte Europeo di Derechonan Humano a dicta den un sentencia cu Matrimonio Homosexual NO ta un derecho humano! Nos mester sigui resal!

Por favor sigui plama e mensahe aki!, Asina e mensahe a termina cual a sali di gruponan religioso di Aruba.

LESLIE R. MERKIES TA YORA CU TIN FALTA DI CONFIANZA DEN AVP CU AVP.

Den un articulo skirbi pa Leslie R. Merkies, por tuma nota cu Merkies ta yora te snik, pasobra segun e cu tin problema di confianza den AVP cu AVP.

Merkies no a gusta cu tin propio miembro di parlamento di AVP cu manda pidi reunion riba

Citgo.

Merkies ta considera e parlamentarionan aki como parlamentarionan traicionero? E ta puntra dicon nan mester a firma pa pidi e reunion. Aki claramente por mira e mentalidad meskindi di Merkies cu tampoco sa kico kier meen

transparencia.

E tambe kier sconde documento y contract pa pueblo. Nos ta lamenta e actitud, unda Merkies ta critica su propio miembronan di AVP. E ta bisa cu no tin base di confianza

Keho di habitantenan di un bario di Noord

E habitantenan ta sufriendo na man di un compañía na Noord 36-B cu ta haciendo trabao industrial den un zona residencial

Ya a pasa un temporada largo, cu e habitantenan di un bario di Noord, ta sufriendo nan man di un compañía di construccion cu ta haciendo trabao industrial sin permiso.

Tur e habitantenan aki di e zona residencial ta bisiña directo di e adres Noord 36-B, unda e compañía industrial ta funciona pa un temporada basta largo. E vecindario mester sufri di hopi molester di stof di santo, cement y tambe ta wordo molestia cu e sonido continuo di machinenan industrial cu ta wordo usa pa traha cu e cement y santo.

E bisiñanan a cerá cabez hunto y a cuminsa cana nan caminda legal. A pidi asistencia di abogado, pero tambe a bay entrega keho na diferente instancia di gubernamental. Ciertu momento nan a sinti cu nan tabata wordo manda di "kashi pa muraya". Pa nan sorpresa reciénamente a sali un aviso den corant. Por proba bon cla cu e doño di e negoshi tin su intención di sigui cu e negoshi di traha cu cement y tera den un bario residencial. E bisiñanan a bay keha caba cerca e doño di establecimiento.

Lamentablemente e ta nenga di stop cu e trabaonan den e zona residencial. E ta un situación cu ya e habitantenan di bario no por tolera mas. Nan ta pidi e instancia oficial, minister di husticia, minister di medio ambiente, minister di salud, pa por fabor pidi e compañía pa stop inmediatamente di opera na e sitio aki.

Gobierno, mester busca un area industrial pa yuda e negoshi industrial ey.

Atrobe Florimond a causa molester na standplaats di bus na Wayaca

Diasabra, pa mas of menos 6'or y 5 di atardi, Centralta dirigi patruya na altura di aeropuerto Reina Beatrix, pa atende un adicto ambulante cu tabata haci fastioso. Nae sitio a bin topa cu e conocido Florimond.

E tabata na e bushalte pariba di aeropuerto y a bay drumi riba e banki. Polis a splik'e cu e no por drumi riba e banki. El'a declara cu e tin tres florin y e ta wardando riba bus. Polis a lague para banda di e banki y a splik'e cu e no mag di bay riba tereno di aeropuerto mas. Central a wordo poni na altura.

Opinion publico

Aruba proteha bo mes, polis su post di placa a caba pasobra compania di P.R. a bay cu demasiado

awe24.com ta cumpli cu e peticion di un persona paden cu a pidi pa pone e pueblo na altura di loqual ta pasando. Tin un compania di P.R. (public relations) cu ta sutando placa na boshi cobrando miles di florin pa purba pinta mas mihor e trabao di polis mientras cu den nos cuerpo mes tin oficialnan suficiente bon prepara (pa traha comunicadonan den cuadro y margen di ley) pa traha esakinan.

Ademas gobierno ta paga monton di placa na e compania pa filma y saca potret mientras den nos cuerpo mes tin un departamento di S.T.O.H.D. cu ta saca foto y hasta video tambe ora ta necesario, pero ta prefera pa laga individuonan (sin cu a screen esakinan) bisti un uniform cu e logo di polis y pasa pa polis pa saca esakinan mientras ademas gobierno tin na su disposicion un departamento cu yama Bureau Voorlichting unda tin fotografo y videografonan capacita y tin añanan di experiencia den esaki pero gobierno (lesa e minister concerni) a permiti pa bypass tur esakinan pa asina privilegia un compania amigo. Pa cada comunicado

di prensa cu e compania aki publica e ta cobra placa grandi, y e compania aki ta abusa y ta saca comunicadonan pa loco, un tras di otro djis pa ta haragan.

E luna di Juni 2016, e compania a bolbe saca cantidad di press release y cobrando pa cada un di nan. Ta pesey a stop cu pagonan na overtime di e polisnan. Pa colmo a para trabaonan di Guarda Nos Costa cu desde su inicio a demostra su derecho di existencia.

PLACA A CABA Y COMPANIA DI P.R. A BAY CU HOPI. Awor ni accidentenan polis no ta bay mas y ni hasta ta sali patruya mas. Autonan di polis mester keda na nan post y ta unicamente ora tin melding nan por sali. Ta pesey for di awor caba e pueblo mester ta alerta pa cuida su mesun hendenan, propiedad y hasta su mesun pais pasobra cosnan ta bayendo di malo pa pior! Esaki pa mal-maneho, un maneho di corrupcion unda esnan mas ayega na e ministernan ta haya monton di placa y nan entre nan mes ya caba ta yama nan mes chupacabra etc.


FORZA NACIONAL ARUBANO

Aruba 2 juli 2016

Ami, sr. Thomas D. Paesch mester contesta sr. Greg Peterson pasobra no ta di dje e propiedad nan ta.

Ruimtelijke ontwikkeling plan a perhudica hopi hende na Aruba. Bo no por zomaar pinta propiedad di hende green y traha ley, anto DIP ta horta propiedad di nos. Arubiano mi tawata na Santa Cruz dia di e reunion nan a bisa cu nan no ta mishi cu propiedad di ningun hende persona. Awor Marisol Tromp y e 21 parlamentarionan mester para responsabel pa daño cu nan a hasi anto skonde tras di hues. No ta di hues e propiedadnan ta sr. Greg Peterson y Marisol Tromp y su compinchi a carga caja Betico Croes pone pariba di e hotelnan y nan a bende Aruba complete tur parti. No por bai asina manera gobierno ta kere.

Si ta asina mi mester busca un sicario of jama mi amigo di Syria Bachar Al Assad pa regla cuenta pasobra mi a entrega keho serca la reina 15 aña pasa pa e problemanan aki. Cos por bai for di man pasobra ta hopi placa tin den wega. No ta un propiedad ta den wega, pero 4 di familia Paesch y un di familia Croes y familia Ras.



Thomas D. Paesch
Cel.# 564-5582

Ambos dama alegre perdi a wordo localiza, pero nan no a wordo deporta



Jeimy Dahiana y Marcela Del Socorro a wordo localiza y nan lo a wordo hiba warda di polis na Shaba.

Diasabra anochi nos ta haya informacion cu e dos damanan cu a bandona of huy di e bar Latin Passions. Nan tabata na warda di polis na Shaba y cu nan lo wordo laga den "libertad".

Loke nos a comprende ta cu autoridad lo a pasa nan over pa e Departamento di

Jeugd en Zeden Politie.

Mientras tanto nan lo ta kedando na un cas cerca un persona, pero ta cay bao responsabilidad di un cabayero.

Pakico nan no a wordo deporta mes ora manera tabata ser bisa na prome instante, no ta mucho duidelijk y pakico nan no a bay traha bek na e bar tampoco ta mucho cla pa nos.

Nel Oduber na Mike Eman: Stop di ganja! Bai puntra bo ruman Henny cu a exonera Exxon

Via di red social, Nel Oduber a reacciona mesora riba e mentiranan di Mike Eman den parlamento. Mike Eman a ocuri na yen di storia pa asina pinta su mes bunita. Nel Oduber a bisa Mike Eman esaki;

Mike Eman y AVP, stop di gaña paboso deal cu Citgo y colga na bachi di MEP cu ta boso custumber. Den parlamento varios vez Mike Eman tabata ripiti cu gobierno di MEP lo a exonera Exxon di claim ambiental.

Un mentira flagrante, pasobra te awe ni cu tur e gobiernonan di AVP no tabata ni tin ley ambiental pa den Corte obliga nan paga.!! Ora Lago a cera 31 di Maart 1985, nos a discuti dos caso serio cu nan y mi tabata tey. Uno claim di Belasting y uno pa nan paga nos pa e daño ambiental.

E promer caso nos a dal den bashi, pasobra un inspector na Aruba a duna nan un ruling cu e ora nos no tabata tin pia pa para ariba. Caso serio y no lubida belasting tabata gobierno Central. Ora nos a Laga Grondmij. di Hulanda yuda nos pa substancia e claim, nos abogadonan a bisa nos ora cu Exxon a nenga di paga, cu nos no tin ley pa obliga nan.

Un caso den corte lo ta debil. E ora nos a negocia cu nan cu nan mester a haci e lugar limpi. nan ponencia tabata nos ta asumi responsabilidad pa haci limpi, pero boso sa cu ta 60 aña ta un refineria nos tin ey riba. Plus cu un gran parti di e tereno tabata eigendomsgrond, cumpra di diferente familia na San Nicolas.



Ora MEP a perde mayoria 22 November 1985, AVP cu 3 otro partido a drenta gobierno y nan 3 aña largo no a haci nada cu Henny Eman a regala Wickland Oil un terminal, reefberth, haf, tankinan di 75 milyon dollar pa 7.5 milyon dollar.!!

Cu esaki e prepara porta pa firma 28 Januari 1988 pa desmantela e refineria totalmente pa nunca mas nos por tin un refineria. Ora pueblo a duna MEP cu ADN y PPA mayoria dia 6 Januari 1989 nos a para Lago di tabata corta e refineria cu e famoso sker y a negocia cu Coastal e rehabilitacion total di e refineria. Mester a negocia cu Exxon cu tabata tin un contrato cu gobierno di AVP pa desmantela totalmente pa stop e proceso y pasa nos e refineria hopi corta caba pa un dollar pa Coastal por rehabilit'e.

Door di e contrato pa desmantela nos no tabata tin otro choice pa haya Exxon coopera pa nan traspasa e refineria di acepta e deal di nan "as is Where is". Di unda Mike ta bin papia awe na 2016 cu nos lo a exonera

Exxon di e claimnan ambiental; bay puntra bo ruman Henny kico e a firma 28 Januari 1988 y bay lesa e deal corrupto cu boso a cera cu Valero pa e Settlement agreement "deal," unda boso a saca afor locual ami a firma cu Coastal cu sea e refineria den un periodo ta keda pa nos pa purba busca un otro operador of nan tin obligacion pa nan desmantela totalmente.

Boso di AVP pa corrupcion dilanti eleccion a haci e wega aki. Awe boso ta tuma e refineria pa un dollar di Valero, pero nan cu a susha e lugar mas hopi ultimo añanan, ta bo gobierno ta exonera nan awor y libra nan di desmantela y mescos pa Citgo.

Stop di colga na bachi hende homber y para pa bo responsabilidad, bagamunderianan cu mi lo Bin pa tur. Un pa un tur ta haya!!!!

Den pasado boso a abusa mucho cu e weganen di e refineria acusando nos di tur cos malo, asina Oduber a termina, dirigiendo su mes na Mike Eman.

Homber a menaza hende cu botter kibra

Diasabra, pa mas of menos 2'or y 15 di marduga, Central a dirigi polis na Gusto pa un pelea. Na e sitio polis a topa cu e bouncer P. y un homber fuertemente bao di influencia di alcohol. E homber a wordo geboeid pa e bouncer y tabata sinta riba vloer. E homber tabata papia bruha cu un lenga pisa. Tambe e tabata tin rasca na su frenta y nanishi. P. a declara cu e homber su entrada a wordo nenga na Gusto y el'a bira agresivo y kier a bringa cu e bouncernan. El' a coy un botter den su man y a menaza e bouncernan cu esaki.

Di miedo cu e homber lo haci uso di e botter contra nan of cu e clientenan di Gusto, P. a mantene e grip di e homber fuerte y a mand'e vloer. E homber a cay riba vloer y a haya algun rasca. E homber a wordo aresta y presenta dilanti di fiscal auxilia. Polis a encarcele na warda di Noord pa e bin bij. E homber a nenga di duna su datonan mientras cu el' a wordo presenta dilanti fiscal auxiliar. Central a wordo poni na altura.

Dama a topa cu adicto ambulante sin bida

Diasabra, pa mas of menos 3'or y 8 di atardi, un dama a yama warda y a meld cu el' a bay hiba cuminda pa e adicto ambulante Lee. Ora cu el' a yega, el' a topa cu Lee drumi den e washok. Lee no tabata duna señal di bida. Na e sitio, polis a topa cu Lee drumi riba un bundel di paña sushi den e washok di e cas. Dokter Luchmun a bin na e sitio y a constata morto. Cherche a presenta pa asina hiba e curpa mortuario. Fiscal Auxiliar a wordo poni di e caso.

Toyota Yaris 4 sale

**Price 5500 fl(negociabel)
Automatic , airco frieuw .
Call now 5694343
Ta garantisa durashon di
motor y transmision .**



Carta Abierta na Pueblo di Aruba

Matrimonio di Mesun Sexo y Derecho Humano

Ultimo Eleccion

Durante ultimo eleccion na 2013 pueblo di Aruba a haya oportunidad pa vota pa un partido cu tabata promove matrimonio di mesun sexo. E partido aki a keda rechaza categoricamente pa pueblo. Banda di e partido aki tabata tin solamente un candidato riba un otro lista politico cu tambe tabata promove matrimonio di mesun sexo. E politico aki a drenta Parlamento no a base di voto preferencial sino a base di voto di personanan cu no a promove matrimonio di mesun sexo.

Democracia Representativo

Comision di Pastoornan di Iglesiasnan Cristian di Aruba kier a recorda Parlamento y pueblo di Aruba cu miembronan di Parlamento ta representa e interes di pueblo di Aruba. Si e pueblo votador di Aruba no a vota masalmente pa esnan cu tabata promove matrimonio di mesun sexo, anto pueblo su representante den Parlamento no tin e autoridad moral pa trece e punto aki riba agenda.

Derecho Humano

No tin ningun prueba cientifico cu hende ta nace homosexual. Tene relacion cu persona di mesun sexo ta un escogencia, mescos cu un homber casa cu ta tene relacion cu mas cu un muher ta haci un escogencia. Matrimonio di mesun sexo no ta un asunto di derecho humano, e ta un asunto di moralidad. Corte Europeo di Derecho Humano na Juni 2016 a bolbe dicta cu matrimonio di mesun sexo no ta un derecho humano. Esnan na Aruba cu ta usa e argumento di derecho humano pa legaliza matrimonio di mesun sexo ta usando manipulacion pa gana simpatia di pueblo. Pa Corte Europeo di Derecho Humano matrimonio ta entre un homber y un muher. Mas cu tur cos, Palabra di Dios

ta bisa cu matrimonio ta entre un homber y un muher.

Codigo Civil Nobo

Ta bon pa pueblo di Aruba sa cu Parlamento ta bay trata nos Codigo Civil nobo. Leynan di matrimonio y famia ta parti di esaki. Cu un amienda chikito Parlamento por inclui parehanan di e mesun sexo den e ley aki. Si Parlamento bay di acuerdo cu e amienda aki esey kier meen cu matrimonio di mesun ta bira legal na Aruba. Si Parlamento vota na favor di cualkier forma habri of scondi pa aproba matrimonio di mesun sexo nos Parlamento lo haci un deshonor grandi na e pueblo cu e ta representa y na Dios kende a institui autoridad di un pais.

Boluntad di Dios

Dios ta bisa cu husticia ta halsa un nacion ma pica ta un berguena pa cualkier nacion. Un nacion cu kier legaliza algo cu ta contra e boluntad di Dios por spera e consecuencia di su desobediencia. No ta husto pa un cantidad chikito di miembro di Parlamento trece calamidad riba henter un nacion pa motibo di nan escogencia robez. Nos representantenan den Gobierno y den Parlamento tin un responsabilidad hopi grandi enfrente di Dios. Nos ta termina cu un promesa cu Dios a duna na Su pueblo pa medio di Su sirbitor Moises:

"Awor lo sosode cu si bo obedece cu tur diligencia SEÑOR bo Dios, y percura di cumpli cu tur Su mandamentonan cu mi ta ordena bo awe, SEÑOR bo Dios lo halsa bo riba tur e nacionnan di mundo." Deuteronomio 28:1

Comision di Pastoornan di Iglesiasnan Cristian di Aruba

TA BENDE


Mazda 2000

Pick Up singel cabine ,
standart , gasoline
den bon condicion
call 7418669
(vehiculo ta para riba caminda
principal di Top 95)



Intento di robo di kabel di aluminium

WEB TA PIDI PA NOTIFICA IREGULARIDAD NA RED DI CORIENTE DEN VECINDARIO POS CHIQUITO – SAN NICOLAS



WEB Aruba ta haci un apelacion na comunidad di Pos Chiquito, Savaneta y San Nicolas pa notifica ora ripara algun irregularidad cu kabel di coriente den e trayecto di Santo Largo te cu e substation di coriente na San Nicolas. Ta asina cu actualmente WEB ta encontra contratiempo den reemplazo di e red di kabel di coriente cu ta core di Balashi pa Refineria. Siman pasa a descubri cu desconocirnan a corta e kabelnan di aluminio canto di e trayecto. Ta sospecha cu personanan kier a horta pidanan di e kabel pero no a logra esaki.

WEB Aruba actualmente ta traha riba un proyecto pa reemplaza e red di kabel di coriente cu

ta core di WEB na Balashi pa refineria Valero. E red di kabel ta di aluminio y ta suministra coriente na distrito San Nicolas, refineria y windpark Vader Piet y pues ta un red di suma importancia pa e barionan menciona. E kabelnan aki ta di aluminium y por wordo utiliza solamente door di companianan di utilidad.

WEB ta haci un apelacion na habitantenan pa notifica WEB en caso cu ripara algun irregularidad na sitionan. Por yama Call Center di WEB na tel. 525-4200 durante ora di trabou, pero tambe central di WEB na 525-4600 despues di ora di trabao.

Convenci di ta e alternativa den pueblo:

PDR cu doorprize dia 18 di December en conexion cu campaña 2017



Durante e rueda di prensa semanal, Andin Bikker, lider di Partido di Democracia Real, a anuncia e doorprize cu ta organizando pa e campaña pa proximo eleccion di September 2017.

PDR ta prepara pa gobernacion, cu expectativa cu pueblo por ta convence su mes di e tarea di Partido Democracia Real, cu su amiendanan y logronan palpable, cu rara vez un partido por a alcanza den oposicion.

El'a bisa cu PDR na un manera constructivo di hiba campaña y di traha al caso cu amienda, mocionnan, etc., te na nivel di Reino, a trece frutonan

palpable pa nos pueblo, entre otro, aña pasa na cumintamento di 2015 pueblo por a alegra su mes cu a base di nos esfuerzonan cu tin apelacion di belasting den dos instancia. Esaki ta bay resulta awor den apelacion te Hogeraad. Na Maart nos a bolbe presenta un amienda cu otro logro, cu awor aki tin preguntanan prehudicial, cu no mester procede cinco pa seis aña pa bay Corte di Apelacion. Por haya aclaracion di biaha como pagador di belasting, cual ta drecha e clima di inversion, y aki rato lo tin mas logronan palpable unda por ehemplo, por pidi Visa via electronico pa

nos por haya e turistanan cu nos kier for di e paisnan cu kizas tin obstaculo di visa pero cu kier bin aki pa enrikece nos turismo y colabora cu nos economia.

Mr. Andin Bikker a laga sa cu PDR ta preparando su mes pa presenta un lista balanza y tin otro aspecto cu mester tene cuenta cune, cu ta fundraising pa acumula fondo pa e campaña politico, cu ta un sistema mundial cu e partidonan mester recauda fondo.

E lider di PDR ta apela na pueblo pa nan siguiente rifa cu doorprize dia 18 di December. Esaki lo wordo saca den e sede di e partido den presencia di prensa y notario. E premio ta un auto Nissan. Balor di ticket ta 5 florin.

El'a haci un apelacion encarecida y humildemente pa pueblo duna un aporte, cu pa chikito cu e por ta, PDR lo apreci'e sigur. PDR mester di e sosten di pueblo pa nan por sigui desplega e trabao cu seguramente pueblo ta aprecia y nan ta sinti ey for cu Partido Democracia Real ta bay ta e alternativa den e siguiente eleccion.

**TA BUSCA PA CUMPRA
tereno, di 400 m2 cu
fundeshi unda cu ta
pa cliente .
Call now 5694343**

Celebrando expansion di flota y crecimiento stabil

Aruba Airlines ta celebra incorporacion di su di cuater avion



Camacho a laga sa.

E contract pa e 'lease' di e avion a tuma lugar na Aruba na oficinanan di Aruba Airlines situa na Cumana riba dia 21 di Juni ultimo. Aruba Airlines ta huur e avion di e compania SMBC Aviation Capital Limites pa un periodo di cuater aña.

Aruba Airlines ta funda desde dia 31 di Januari 2006 y a realiza su prome vuelo dia 31 di Mei 2013. E compania Arubiano tin su oficina principal situa na Cumana 69 aki na Aruba. Aruba Airlines ta bula cu avionnan nobo y moderno, Airbus A 320-200 cu un capacidad di 150 pasahero, parti den 12 pasahero Business Class y 138 den Economy Class. Nan tin un total di 300 empleado staciona na tur nan oficinanan den tur nan mercadonan. Na Aruba so tin 139 empleado den servicio directo.



cu e compania ta ricibi, cual ta haci posibel e introduccion di su di cuater avion cu codigo di vuelo "AG". "E incorporacion di e avion aki den nos flota ta demostra e solidez di Aruba Airlines y nos compromiso cu nos clientenan pa brinda alternativanan nobo, mas opcionnan y e ta parti di e planning di nos proceso di crecimiento stabil," asina Marketing Manager pa Aruba Airlines, Vanessa



Recientemente Aruba Airlines a celebra e firmamento di contract pa expansion di nan flota cu un Airbus A319 mas, pa ofrece clientenan un cobertura ainda mas

grandi di nan rutan pa Sur America y Norte America. Aruba Airlines ta masha gradici na comunidad di Aruba y tur cliente en general pa e tremendo acogida

FUNDRAISING RIFA

DANGUI ODUBER

Gana un **Auto** EOR 2016

mep

FRACCION DI MEP:

Gobierno no a convence Parlamento cu informacion tocante deal cu CITGO

NO TIN DEAL AINDA!

Ministernan y expertonan di gobierno a brinda informacion na Parlamento durante un "bijeerkomst" habri pa publico, pero Gobierno no por a presenta ningun documentacion concreto na Parlamento ya cu e dealnan no ta cla ainda. Despues di tanto fanfaria na Venezuela, tanto celebracion na San Nicolas y despues di tanto hisamento di bandera Pueblo por a spera cu lo tabata tin un deal concreto pero a resulta cu no ta asina.

SOLAMENTE LINEANAN GRANDI

Locual Gobierno a duna ta Parlamento ta solamente lineanan grandi di locual nan tin den mente. Pero no por a proba nada cu documento. Nos ta sigui cuestiona pakico no ta duna parlamento e documentonan completo pa analiza e acuerdo cu Citgo.

VALERO

Tambe nos ta insisti pa sa kico nan ta negociando cu Valero. MEP ta PRO reapertura di e refineria, pero nos ta critico pasobra bo no por confia AVP. AVP a regala Valero demasiado caba y awor Valero no por wordo permiti di "walk away" sin carga su responsabilidad riba e claim ambiental. E intentonan di prome minister pa tira culpa atrobe riba gobierno di MEP, ta muestra di su falta di sinceridad pasobra e unico cu a exonera refinerianan den pasado tabata AVP, Henny Eman.

PDVSA

Un otro punto cu a resalta tabata e intentonan sobrehumano di Mike Eman pa haci manera cu pa nan PDVSA no ta existi y pesey nos kier studia kico concreto a wordo firma na Venezuela.



EMPLEO PA NOS HENDENAN PROME

Un tema di preocupacion ta e Trahadornan Arubano no tin garantia cu nan lo por haya trabao. Pesey nos fraccion a pidi reunion publico (OV) pasobra un bijeerkomst ta pa show e ta. Nos MESTER haya e documentonan concerni mas pronto posibel. E pregunta ta keda ken

ta bay haya e cuponan di empleo, pasobra kier bin cu un limite di 20% pa e trahadornan fiho di exterior den e refineria. Pero e limite lo no conta pa contratistanan. Kier meen ey lo no tin control debido. Nos ta puntra nos mes dicon no por aplica e regla di 80% pa local y max 20% pa stranhero riba contratistanan tambe. MEP

semper tabata na fabor di re-apertura di e refineria pa combati desempleo na Aruba y pa brinda nos hendenan empleo y mihor perspectiva.

Awe nos no a haya e sentimento cu Gobierno ta trahando riba esey.

Nos a keda cu un sensacion cu Gobierno no ta honesto cu parlamento ni cu pueblo.

Pickup di joyriding hayá na Ayo



Un otro vehiculo cu a keda horta dialuna a keda localiza na Ayo. Tabata durante marduga cu antisocial a horta e Nissan Pickup dilanti di



un cas. E doño cu a haya su falta a informa autoridad. E auto a ser haya patras di un cas bandona na Ayo. Polis a presenta tuma datos y



asina takelwagen piket a bay cu e auto warda.

Persecucion tras di Skyline y chauffeur a keda deteni



E patruyanan di K9 unit dialuna merdia a duna señal na chauffeur di un Skyline pa para pa controla documentonan.

E chauffeur a nenga di

para y a trot. E oficialnan a sigui e auto y den Noord a blokia e auto. Aasina a pone e chauffeur baha di auto. E'a keda deteni pa no cumpli cu orden di Polis y a hib'e warda.

Adicto Florimond Boekhoudt a baha den Paradera

E ta malo cu malezanan contagioso



Diadomingo atardi den careda di 6:30 polis a bay Paradera y vecindario. E motibo tabata cu un persona lo a bin baha e adicto Florimond Boekhoudt den e districto di Paradera.

Florimond lo a wordo baha den e area pariba di santana di Paradera. E persona aki ta un adicto, y e tin aparentemente, segun nos por compronde, varios maleza contagioso manera TBC y Aids,

y mas maleza cu nos no sa. Personanan cu tin Aids hopi biaha tin e maleza aki tambe, esta TBC (Tuberculosis).

Nos no ta trece e noticia aki dilanti pa menosprecia e persona aki. Loke nos kier ta concientiza esnan cu lo por yude haci algo of intern'e un caminda y dun'e su medicananan.

Polisnan no mag di hink'e den auto pa nan propio seguridad. Unico cos cu polis por a bis'e ta cana bay Playa bek. Y nos por waak con poco poco e persona aki tabata cana, pa bay direccion di Playa bek.

No por ta asina cu instancianan cu mester yuda of por lo menos pensa algo pa yud'e ta lague cana rond manera un 'walking time bomb'. Florimond su salud ta bayendo atras cada dia. E no por cana liher mas y ta masha slow mes. E ta un ser humano, cu mester di atencion mesora !

TBC ta un enfermedad cu ta pega masha facil, pues den aire mes, ora e persona tosa. Pues hendenan cu no sa ken e ta, lo por yega den contacto cune di un of otro manera y ta un peliger pa nan salud.

Pesey nos kier concientiza e pueblo y spera cu esnan cu mester actua haci'e prome cu ta laat. Yude, e ta un ser humano.

Pa bo celebracion....

CLUB TRAPPERS

Full Airco

748-8280

Acuerdo di varios aña entre Aruba Ports Authority y Havenbedrijf Amsterdam

Comienzo di un relacion largo y intensivo



Aruba Ports Authority y Port Amsterdam internacional awe a firma un acuerdo di cooperacion di varios aña. Meta di e acuerdo aki ta pa realiza un cooperacion intensivo y duradero cu e enfoko pa ehecuta e vision

comercial y strategico di APA, e transformacion di e terenonan portuario na Oranjestad den un area multifuncional y fortalece e ambicion internacional di ambos compania.

Aruba Ports Authority ta

un compania di Gobierno di Aruba y ta responsabel pa maneho, desaroyo y explotacion di e wafnan di Aruba. Den luna di Maart 2015 APA a firma un MoU cu Port Amsterdam international B.V. (PoAI). PoAI ta un subsidiario di



Havenbedrijf Amsterdam N.V. y e ta specializa den investigacion, desaroyo y maneho di wafnan crucero internacional. E acuerdo aki ta efecto di un investigacion cu PoAI a haci pa explora e strategia comercial, posibilidadnan di crecemento y strategia comercial pa APA logra cu efectividad su metanan. Como parti di e acuerdo PoAI lo establece den future un Chief Commercial Officer (CCO) na Aruba pa fortalece e staf di APA. E CCO lo wordo apoya pa un team multidisciplinario na Amsterdam.

Gert-Jan Nieuwenhuizen, Managing Director di PoAI: "E acuerdo di cooperacion lo percura pa nos companianan portuario fortalece nan mes conhuntamente riba diferente parti y ta cuadra exactamente cu e strategia internacional di Havenbedrijf Amsterdam. Nos ta mira padilanti na un continuidad di un relacion di cooperacion placentero cu APA y gobierno di Aruba." Mientrastanto Sr. Louis Posner Presidente di e Hunta di comisario di APA a declara: "Durante e trayecto inicial a keda demostra cu PoAI y APA ta riba e mesun liña pa loke ta nan vision pa Aruba y esaki ta desemboca den un acuerdo di cooperacion. E acuerdo

aki ta un bunita ehempel con Aruba y Hulanda hunto por apoya otro y fortalece nan relacion."

Port of Partnerships

E meta pa transforma e terenonan di waf ta pa duna nan un funcion nobo y pa habri nan pa comunidad Arubano. Ciudad, recreacion, turismo y comunidad comercial tur lo por estrecha nan relacion na un manera duradero di e forma aki. Pues APA lo haci uso di e experiencia di Havenbedrijf Amsterdam cu tipo di proyectonan asina via PoAI pa implementa e transformacion na Aruba. Ademas Aruba ta representa un

Hub ideal pa Havenbedrijf Amsterdam mantene su contactonan cu partnernan importante den latino America. E acuerdo di cooperacion tambe ta acopla na e pensamiento "Port of Partnerships" di e compania pa traha duro y hunto pa logra relacionnan inspirativo y intensivo di cooperacion cu partnernan complementario. Aruba por mira padilanti na un futuro di posibilidadnan nobo cu ta habri cu e acuerdo di cooperacion aki cu Havenbedrijf Amsterdam y su subsidiario Port of Amsterdam International.

Quo Vadis: Aruba unda bo kier bai?

*Antes un familia ta lanta cu disciplina y respet
Y ta biba cu firmeza den tur humildad
Unda ta tene cuenta cu e moralidad
Y sigur ta biba cu tur dignidad*

*Poco poco e fundeshi a cuminsa tambalea
Y diripiente a cuminsa biba pa biba
Perdiendo tanto norma y balornan
Mescos cu den tempo di Sodoma y Gomora*

*Dios a crea homber- y muhèrnan
Kende mester procrea y rende mundo
Dios a trece paz, amor y bondad
Pero mundo a scohe pa placa, poder y maldad*

*Aruba ta den un decadencia total
Y practicamente a bira lomba pa Dios
Tur cos ta placa, poder, droga y placer
Quo Vadis: unda nos ta bayendo?*

*Cambia e manera di pensa y biba
Y tira afo tur bagamunderia y maldad
Habri caminda pa Señor:
E Rey di paz, speranza, union y amor.*

I.R. (Roberto) Croes
dec. 2012

Florimond ta cana sunu dilanti di hende

POS CHIKITO - Diabierna, pa mas of menos 2'or y 40 di madrugada, Central ta dirigi patruya na altura di un adres na Spaans Lagoen pa un persona kende posiblemente lo ta drumi sunu riba beach. Na e sitio polis a papia cu habitante di dicho adres, kende a bis cu ya pa algun dia e ta mira e homber aki manera cu el a bin na mundo ta cana rond.

Durante control den vecindario, patruya ta wordo acerca pa un persona, kende a declara cu un rato prome, el a wak con e conocido homber Florimond B. ta coba den schoudertas di algun turista y a saca dos telefon celular. Den cuadro cu esaki patruya a bay controla y a bin topa

cu Florimond tabata tin en berdad dos telefon celular y dos carchi di atm den su poder, perteneciente na TA y HD. A bay na altura di e beach na Mangel Halto pa asina pone e doñonan na altura y si nan

kier duna keho. Cu suerte a bin topa cu nan. Nan a wordo poni na altura di loke a pasa y no kier duna keho, basta cu nan haya nan cosnan bek, cual a sosode. Central a wordo poni na altura.

TA BUSCA PA CUMPRATERENO, di 400 m2 cu fundeshi unda cu ta pa cliente .

Call now 5694343



Santa Cruz BARBERSHOP
Mon-Fri: 8AM-5PM • Sun: 9AM-6PM
T1.600-6673 • T2.592-1880



La Plaza del Corte & Butique



ARUBA QUALITY HOUSE DEAL

Cas nobo di 2 camber y 1 baño cu hopi tereno y espacio pa expande riba un heuvel cu vista pa sero nan y naturalesa hopi bunita di Aruba -Hooiberg , ayo , macuarima- elegante.

Location : Sombre

Price = market value: awg 175000 florin negotiable.

Call now 5694343

Execution value: awg 145000

St. Augustinus ta un school cu ta “duna bo e gana di sigui studia”



Van Kessel Construction a comenta cu pa cuminsa un aña nobo den un edificio nobo ta duna e hobennan gana pa sigui studia, y pa yega mas leu den nan estudio.

E school a wordo entrega tres siman pasa y awor loke ta keda ta e “punchlist” cu detayenan, esta e trabao fini, pa completa.

E contratista cu gana e destaho publico pa renoba y expande St. Augustinus College na San Nicolas a expresa durante di un recorrido di e school cu Minister Michelle Hooyboer-Winklaar siman pasa cu ta su deseo cu e muchanan cu drenta e school na Augustus goza di nan school cu awor tin entre otro tambe un computerlokaal nobo.

E ta un school cu awor tin mas di 12 lokaal pa duna les y ta manera un school completamente nobo.

Erik Vrolijk, kende ta e project manager pa DOW, a splica cu a agrega cuater klas y un parti nobo cu ta inclui dos klas grandi pa CKV y un klas grandi cu ta multifuncional, e tin un muraya cu por wordo movi mey mey y asina ta haci di e espacio: dos klas. Ademas a agrega un biblioteca y a construi bañonan nobo pa hende homber. Colegio San Augustin ta keda completamente cla den e proximo tres simannan y e proceso di mudamento lo por cuminsa net despues.

Gerencia di Impuesto Diarazon y diahuebs e seccion ‘Servicio pa cliente’ lo tin otro orario *E seccion ‘Servicio di caha’ si ta habri segun e orario normal*



Departamento di Impuesto ta participa cu diarazon y diahuebs, dia 6 y 7 di Juli, e orario di

mentona lo ta di mainta 7:45 te 2:00 atardi non-stop.

e seccion ‘Servicio pa cliente’ lo sigui duna servicio segun e orario normal.

seccion ‘Servicio pa cliente’ na Camacuri lo ta diferente. Esaki en conexion cu un curso interno pa e empleadonan. E orario di servicio riba e dianan

E seccion ‘Servicio di caha’ si ta habri henter dia segun e orario normal. E clientenan cu ta desea di haci cualkier pago di belasting por haci esaki libremente. Diabierna, dia 8 di Juli,

Departamento di Impuesto ta pidi su clientenan pa tuma bon nota di e orarionan menciona pa evita cualkier inconveniencia.

Maduro Heavy Eq.N.V.

Piedra #5/#6-Grijs-Tur tipo di Santo
Coba Pos-Fundeshi-Haci Tereno Limpi
***Puntra pa Special di Luna**

Tel:5851708/Cel:5931608/5943207/5620331

Email: mheqnv@hotmail.com



Homber tabata causa molester na Cas Casuela



Diasabra marduga patruyanan presente na Cas Casuela cu tabata basta yen.

Tabata tin un problema entre grupo pafor cu a hayanan confronta cu un cliente fastioso. E homber

no tabata comporta na e lugar y a pone cu polis a papia cune algun biaha.

E homber no tabata razona y no a keda nada otro pa Polis detene y bay cune warda pa relax e curpa.

Haciendo uso di fondo di Hulanda Minister Michelle Hooyboer-Winklaar ta desea éxito na 9 becado

Nan lo atende varios "Summer Programs"



Ministerio di Enseñanza a presenta un proyecto di "beca" algun siman pasa, pa cual a invita studiantenan di Universidad di Aruba pa aplica pa ricibi Afl. 4500 pa sigui un "Summer Program" den exterior. E studiantenan mester a aplica y pasa un evaluacion na Universidad di Aruba mes, unda cu e instituto di enseñanza superior a keda encarga door di Minister Michelle Hooyboer-Winklaar cu e seleccion di e becadonan. Prome cu nan salida pa Hulanda, e becadonan tabata tin un encuentro cu e mandatario. Minister Michelle Hooyboer-Winklaar a bisa cu a palabra cu nan cu ora nan bolbe Aruba lo organiza un ocasion pa nan comparti nan experiencia den un presentacion na otro studiantenan. Durante di e encuentro prome cu nan viahe na a papia cu e mandatario tocante di e programanan cu nan ta bay sigui y di e ciudad unda nan ta bay.

E Minister a indica cu den mundo di enseñanza na nivel superior hopi di e institucionnan no ta cera durante di e lunanan di vakantie di zomer y ta scoge pa ofrece diferente curso special di dos siman of mas largo. Tabata tin hopi interes pa e becanan y Minister Hooyboer-Winklaar ta encurasha otro studiantenan pa cuminsa sondea nan opcion- y oportunidadnan pa otro año como cu gobierno lo ofrece e becanan aki atrobe pa na final di e año academico 2016/2017.

E situacion aki ta beneficioso pa e estudiante di Aruba, kende por haci bon uso di e oportunidad pa siña algo nobo of algo adicional den un ambiente academico den exterior. Minister Hooyboer-Winklaar a splica cu e studiantenan ta bayendo diferente ciudad na Hulanda, incluyendo Maastricht, Utrecht y Den Haag. "E




meta di esaki," el a bisa, "ta pa crea un experiencia internacional pa un estudiante di Aruba. Aunke e estudiante a scoge pa studia na Aruba no kiermen cu e no por participa y experiencia un curso internacional", el a agrega.

E minister a conclui bisando cu lo kier waak mas beurs y programa di intercambio ("exchange programs") pa asina sigui expande riba e tipo di oportunidadnan aki unda cu e estudiante di Aruba toch tin un conexion internacional cu ta yuda enriquece su experiencia total di su estudio.

Mireille Sint Jago di MEP:

E falta di sosten pa e hoben exitoso!



Pa cuater aña caba mi ta bati alarma cu nos sistema di educacion ta perhudica structuralmente e hobennan exitoso. Un hoben cu ta logra pasa door di nos sistema di educacion sin keda sinta ningun biaha, ta haya su mes confronta cu e no por sigui studia automaticamente riba un nivel mas halto. Nan ta wordo forza pa scoge un estudio cu nan no ta gusta, bay traha y/of warda un aña pa nan tin e edad di 17 of 18 aña pa nan por sigui studia anochi.

E porcentahe di alumnonan cu ta logra caba school basico sin keda sinta ta varia na

cada school aki na Aruba. Na www.CBS.aw ami personalmente no a logra saca e informacion aki afor. Papiando cu varios Hoofd di school, mi a haya sa cu un averahe di 30% ta normal aki na Aruba. Na Hulanda nan ta yama esaki un 'atraso di edad' y despues di grupo 8 (6e klas) e atraso aki ta un promedio di 17.5% na Hulanda. Dus di cada 100 mucha cu ta caba school basico, 18 di nan a yega keda sinta un of mas biaha. Den un klas di 25 mucha e lo ta 4 of 5 mucha. Di e grupo aki, ainda papiando Hulandes, e porcentahe di alumnonan cu ta allochtoon cu tambe tin un atraso den e idioma Hulandes,

esaki ta surpasa 25%. Riba e website www.onderwijsincijfers.nl e informacion aki ta disponibel pa tur hende.

Na Aruba nos tin e situacion cu 66% di tur alumno ta papia Papiamento na cas y solamente 20% ta papia Hulandes na cas. Pero e idioma di instruccion ta Hulandes. E cifranan aki ta di Censo di 2010 y ta disponibel riba e website www.CBS.aw. Tin varios alumno cu ta yega Aruba y pa via di un atraso den e idioma Hulandes, nan no por sigui den e klas cu ta pas cu nan desaroyo personal of nan edad.

Tambe nos tin e situacion

cu un alumno cu ta haci 4 aña despues di dia 1 di Oktober mester warda henter un aña scolar pa e por cuminsa kleuter. Atrobe, na Hulanda, manera un mucha haci 4 aña e por cuminsa kleuter. Sea esey ta na Oktober, December, Maart etc. Asina un mucha ta haya e oportunidad pa custumbra cu school y e proceso di su desaroyo educativo ya ta wordo inicia.

Si nos tuma tur esaki den consideracion, bo por imagina bo mes, cu cualkier mucha na Aruba cu SI ta logra pasa door di nos sistema di educacion, SIN keda sinta NINGUN biaha y ta logra un diploma di EPB, MAVO of Havo na e edad di 16 of 17 aña, cu tur school la habri su portanan hanco habri pa e alumno aki por sigui studia riba un nivel mas halto. Un alumno asina cu ayudo di su mayornan a logra combati tur obstaculo den nos systema di educacion. Su diploma mester dune un 'wild card' pa sigui su educacion riba e siguiente nivel.

Lamentablemente esaki no ta e caso. Varios mayor a acerca mi cu e problema aki. Mi a conversa cu un mayor cu a haya un mal sorpresa

ora su yiu a caba Havo cu 16 aña y 7 vak, pero pa via di un exigencia di cantidad di puntonan cu Colegio Arubano a pone e mucha no por sigui studia na VWO! Awor a mucha aki ta warda pa waak si e por wordo 'ingeloot' na e Academisch Jaar di Universidad di Aruba of cu e tin cu busca un moda pa e bay school anochi. Mayornan di EPB a acerca mi. Nan yiu cu tin 16 aña no por sigui riba e nivel di EPI pasobra e nivel no ta suficiente halto y tampoco nan no por sigui na EPB. Kico e mucha aki por haci? E ta hopi jong pa bay traha of pa cuminsa school anochi.

Un hoben cu a logra pasa door di nos sistema di educacion sin keda sinta, nos mester duna nan tur sosten y regala nan un supuesto 'wild card' pa nan por sigui studia den dia. E diploma di un mucha di EPB, MAVO of Havo cu nunca a keda sinta den su carera educativo mester sa cu su diploma ta su paspoort pa exito! Ya el'a proba cu e por a surpasa tur e obstaculonnan cu nos sistema di educacion tin. Si nos kier pa nos yiunan keda motiva pa studia, nos mester demostra cu educacion ta conta!

Polis a topa homber drumi riba caminda

Diabierna, pa mas of menos 1'or y 5 di marduga, Central a dirigi patruya den Ribertostraat cerca di Kamay, pa un persona drumi riba caminda. Pariba di un adres na Monserat, a bin topa cu e conocido di husticia J. vd L. El' a lanta di biaha manera cu el' a mira polis. El'a declara cu el'a wordo gedal pa un persona desconoci, caminda cu el'a perde sinti. Polis a constata cu J.vd L. tabata bao di influencia di un of otro substancia. Polis a pid'e pa bandona e sitio, pero nan a sigui'e te ora cu el' a yega su cas na Kamay y warda te ora el' a drenta cura. Central a wordo poni na altura.

Adicto ambulante ta subi dak di negoshi pa coy mango

Diabierna, pa mas of menos 7'or y 24 di anochi, Central a dirigi patruya na Union Caribe, caminda cu un persona lo ta riba dak di e local.

Na e sitio a bay controla rond di e edificio y a bin topa cu un adicto ambulante, kende despues a bin resulta di ta CT/dB. V/d B a declara cu e tabata buscando algo di come y a purba di coy algun fruta.

Por a mira cu tabata tin un palo di mango tras di e edificio y V/d B. tabata tin cuater mango den su mannan. A controla e edificio y riba e dak y no por a mira ningun rastro di kiebro. V/d B. a wordo lista pa un agente pero no a topa cu nada.

A atende V/d B. riba su comportacion y a core for di e sitio, lagando tur su mangonan atras.

Marriott Resort Aruba & Stellaris Casino a organiza “Mash Up” pa empleadonan Ehecutivonan a presenta e “brand” den tur su facetanan



Recientemente Marriott Resort Aruba & Stellaris Casino a organiza e asina yama “Mash Up”, un reunion organisa un biaha pa aña, na unda tur empleado ta invita pa haya un “update” di loke e “Marriott brand” ta representa. Durante di “Mash Up” e ekipo di gerencia di e hotel ta

presenta diferente topico cu ta di interes general pa e empleadonan, manera e filosofia di e compania y e “ultimo noticia” riba cambianan cu a y ta tumando luga tanto localmente como internacionalmente. Ademá, a presenta temanan manera ehercicio, maneho di

stress y nutricion, pa asina yuda e empleadonan crea balance den nan bida. “Wellness”, o sea bienestar, ta un topico cu ta ricibi hopi atencion di parti di ehecutivonan di e hotel, cu tin como vision pa yuda su empleadonan ta mas saludabel den tur area di nan bida. A parti e sesionnan den cuater topico, esta “Do”, “Think”, “Brand” y “Wellness” y a keda presenta den un forma hopi interactivo.

Ruthline Tromp-Theysen, kende ta e “Complex Director of Human Resources”, a remarca cu a pone hopi enfasis riba “branding” cu Marriott su staf y personal ta refleha, esta di ta “brilliant hosts”. El ‘a splica cu recientemente Marriott International a introduci “appearance standards” nobo, unda cu ta permiti hende homber pa bisti renchi horea, pa tin barba y pa tin cabey largo y en general ta permiti pa hende muhe y hende homber tin tattoo. Tur e standardnan moderniza aki ta mara na cierto regla, cu a presenta den un estilo di “Project Runway” pa e empleadonan por observa “kico si” y “kico no” ta permiti.

E “business look” awendia ta uno mas moderno y ta adapta e standard di apariencia pa empleadonan di Marriott International na e desaroyonan di comunidatnan internacional. Ben Figaroa, General Manager di Stellaris Casino, kende a presenta e “runway” hunto cu Ruthline Tromp-Theysen, a splica cu un punto di enfoke grandi ta e calidad di bida di empleadonan. El ‘a agrega cu e bienestar di e empleadonan ta masha importante y e proceso



pa yuda nan yega na un balance ta continuo. E presentacion riba e tema “wellness” a inclui tambe diferente ehempel di ehercicio y informacion tocante con pa probcha miho di e cumindanan ofreci den e cafeteria pa un miho maneho di nutricion, tanto pa e parti di salud, como e parti di maneho di peso. Hotel Manager Leslie Prea y Director of Revenue Aisling Seberry tabata encarga cu a sesion aki.

E empleadonan tambe a ricibi un presentacion riba “mixology” di parti

di Complex Director of Food and Beverage Joerg Delin, pa asina nan ta “al dia” cu e bebidanan nobo cu nan huespednan ta wordo ofreci na e barnan y restaurantnan. Complex Director of Finance Raymond Habibe a presenta e sesion Marriott Brand. Complex General Manager di Marriott Resort Aruba & Stellaris Casino, esta Tom Calame, a completa e dia cu informacion extenso riba tur desaroyonan nobo den e compania, tanto riba tereno di infraestructura como e aspecto di recursonan humano.



Aruba a uni pa 24 ora! Danki!



Radiothon di Fundacion Pa Nos Comunidad a clausura diasabra anochi despues di un evento sumamente exitoso. Sin duda algun un momento masha grandi no solamente pa e fundacion, pero pa henter pueblo di Aruba cu a sa di bini hunto y coopera. A keda demostra un biaha mas cu union ta haci forza y cu nos comunidad tin un

curazon grandi.

Fundacion Pa Nos Comunidad ta bay ofrece un conferencia di prensa caminda ta comparti mas detaye di e radiothon den e siman aki den cual lo anuncia e resultado final y gradici tambe tur esnan cu a colabora. "Nos ta procesando e confirmacion di tur donacion cu a drenta via

telefon, banco y tambe na e colectornan riba caya y di lo cual nos por a conta te awor nos a yega basta cerca di e meta. Di un manera transparente lo trece informacion dilanti y tambe anuncia cual lo ta e siguiente e pasonan pa logra sera e cantidad necesario," asina Secretaria di Fundacion Pa Nos Comunidad, Andrina Dirks a duna di

conoce.

Manera ta conoci, e Radiothon a cuminsa diabierna atardi y dura un total di 24 ora na cual un total di 8 emisora di radio a transmiti simultaneamente. Tur esaki tabata pa recauda e fondonan necesario pa compra di edificio di Food Bank for di cual Fundacion Pa Nos Comunidad ta

duna su servicio na tur esnan den necesidad.

Pa haya un vista mas di cerca riba tur loke a sucede durante e dianan atras den e radiothon por bishita nos pagina di facebook www.facebook.com/fundacionpanoscomunidad.

Tip line 5926895
solo di pueblo @
gmail.com

Certificado pa setenta y tres gymnasta y un logo nobo pa CGA Avanse


Examen pa e gymnastanan di 4 te cu 15 aña



Diasabra ultimo, Club Gymnastico Arubano Avanse (CGA Avanse) tabata tin un dia di examen pa tur gymnasta di 4 te cu 15 aña. Un total di setenta y tres gymnasta a participa na e dia di examen. E gymnastanan ritmica y artistica a hasi nan ehercicio y despues a ricibi nan certificado cu puntuacion y un medaya. Riba e dia aki tambe a revela e logo nobo pa e club, acompaña pa varios presentacion di

e seleccion di gymnasia ritmica y gymnasia artistica. Ambos seleccion ta den pleno preparacion pa por representa Aruba na competencianan internacional na Panama y Colombia.

Gymnasia ritmica ta un disciplina cu ta combina elemento di balet, gymnasia y baile cu uso di diferente aparato manera cabuya, bala, hoelahoep y cinta. E gymnastanan ritmica



a haci nan presentacion individual mientras cu e gymnastanan artistica a hasi tres diferente elemento. E elementonan pa e examen tabata e floor exercise, double mini trampoline y salto. E ehercicio di flur ta consisti di un rutina di movencion cu diferente elemento manera handstand y koprol. E



ehercicio di trampolin ta consisti di dos parti. E prome parti ta wordo yama e "mount" riba un trampolin cu ta inclina. Na e parti aki e gymnasta ta hasi su entrada. E di dos parti ta plano. E ta wordo yama e "dismount". Den e zona aki e gymnasta ta realisa su salto in spotter. Esaki ta e realizacion di un elemento desde e dismount cu por ta un salto vertical of un salto di salida pa cai riba un colchon cu tin un zona marca. Den e parti aki e gymnasta mester termina su ehercicio. E elemento di acrobacia ta e protagonista principal den e ehercicio aki.

Riba e dia di examen a revela e logo nobo di CGA Avanse. E logo ta un diseño moderno y elegante. E ta combina e elementonan y e colornan di e bandera di Aruba hunto cu e deporte di gymnasia. E strepinan color geel ta dirigi bai na halto cual ta simbolico pa e palabra "avansa". E club y su




gymnastanan ta avanza y cu esfuerzo ta pusha pa bai ariba pa e shelo unda tin e strea y ta sigui progresa. E forma di e escudo ta simboliza union, fortaleza, estabilidad, proteccion y confianza. Miguel Angel Arrebola Ortiz ta e diseñador di e logo. CGA Avanse ta ofrece les di gymnasia artistica y gymnasia ritmica pa mucha muher desde 4 aña. E gruponan ta divide pa edad. E temporada nobo ta cuminsa na Augustus 2016. E dianan di entrenamiento ta como lo siguiente: Gymnasia ritmica ta dialuna di 4.30-5.30 pm. E seleccion di gymnasia ritmica ta train dialuna di 6.00-8.00 pm y diasabra di 11.00-12.30 pm.

Gymnasia artistica:
Grupo 1 (6 aña): diasabra 8.30-10.00 am.
Grupo 2 (7 aña): diasabra 10.00-11.30 am.
Grupo 3 (8 aña): diabierna 3.00-4.30 pm.
Grupo 4 (9-10 aña): diabierna 4.30-6.00 pm.
Grupo 5 (10-12 aña): diabierna 6.00-7.30 pm.
Grupo 6 (12 aña bay ariba): diabierna 6.30-8.00 pm.
E seleccion di gymnasia artistica ta train dialuna 5.30-6.30 pm, diamars 3.40-7.00 pm, diahuebs 4.30-7.00 pm, diabierna 6.00-8.00 pm, diasabra 11.00 am-1.45 pm. CGA Avanse ta e prome club di turnen di Aruba estableci na 1984. Na 2014 a celebra su di 30 aniversario. E club tin 187 miembro y 4 entrenador. Ta duna les di gymnasia artistica pa mucha muher desde 4 aña. E disciplina di gymnasia ritmica tambe ta wordo duna pa mucha muher desde 4 aña.

Por haya mas informacion di e club riba e pagina di Facebook Gymnastics Aruba CGA Avanse y riba e pagina web: www.cgaavanse.webs.com.

Brazil Taekwondo Stichting a midi vet y BMI di su atletanan



Den fin di siman Brazil Taekwondo Stichting tabata hopi ocupa cu e atletanan. A tuma nan peso, nan haltura y a midi nan vet y BMI. Esaki ta e prome biaha cu Brazil Taekwondo Stichting a haci e test aki ariba nan mes y lo bay sigui haci esaki sigur durante di aña. E unico motibo ta pa por controla e atletanan mas di cerca y pa mira kende tur mester of por baha peso. Mester tene na cuenta cu mester sa

bon con pa baha peso y con bo ta haci esaki sin cu esaki ta afecta bo mental y fisicamente. Esaki ta cosnan cu Brazil Taekwondo Stichting sa bon y ta haci pa su team di Train Hard Fight Smart.

Brazil Taekwondo Stichting ta preparando pa e campeonato mundial di Junior cu lo bay ta na Canada na luna di November y ta cuminsa cu tur preparacion necesario for di awor, specialmente

pa un di e atletanan cu sigur mester bay cuminsa come mas balansa.

Aaron Jacobs a splica e team di Train Hard Fight Smart den placa chikito tocante di e proceso aki pa asina nan ta consiente di kiko tur ta spera for di nan. Brazil Taekwondo Stichting tin masha hopi plan mes pa su team di di Train Hard Fight Smart, pero tur cos ta bay bin na su debido tempo.

Tatichi Snack

Na cas Paloma 27

Tel: 582- 6553 / 5920567 / 5675015

Menu pa 5 Juli 2016

Healthy: Galinja stoba, Honey glazed carrots, Fresh salad
-F12,50

Regular: Galinja stoba, Arros, Salada di macaroni, Banana hasa
-F12,50

Standard menu:

Baskets

Chicken legs	f15,00
Steak	f16,00
Chicken wings	f15,00
Chicken sate	f15,00
Fish fillet basket	f15,00
Pork chop	f16,00
Grilled chicken breast	f15,00
Hamburger basket	f10,00

Sopi carni

Grandi f12,50	24 oz
Chikito f8,50	16 oz

Por hasi pedido na;
5826553 / 5920567 / 5675015

Por puntra pa delivery.
Delivery time solamente entre
11:00 a.m - 1:00 p.m

Pa pedido pa DELIVERY NO MAS LAAT
CU 10:00 A.M

Nos ta situa na KAS PALOMA 27

Horario : 6:00 a.m - 2:00 p.m

No lubida ariba nos standard menu

Y TUR DIA NOS TIN SOPI CARNI YA
DESDE 6:00 A.M

Pan cu sanger jena	f6,00
Croquette Piska	f2,00
Pan cu mix seafood	f6,50



Laga Solo di Pueblo cubri bo celebracion, bo fiesta, b-day, of casamento!

Yama nos fotografo na: 748-3293

Schietbond na Wela:

Entrega di trofeo na ganadornan di Practical Shooters Club



**Permanent
Make Up?**
**Dilailah
Beauty Clinic**
Tel: 856-7272

Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lipliner

Nos tin e solucion pa bo.

Cada servicio ta den forma personaliza .

Sin dolor y no ta hincha den un ambiente relajante.

Mas di 15 año di experiencia .

Tambe nos ta drecha cejanan cu :

Waxing, pincet y blade den forma unico,

Cu ta cuadra cu bo cara.

*Yama awe mes na 730-3327 /586-7272 nos ta wardabo
cu un sonrisa. Consulta ta gratis.*

Na: Dilailah Beauty Clinic

Noord # 82 den Centro Comercial Noord

patras di Botica Noord



Dialuna pa Diabierna
8am-12pm y 1pm- 5pm
Diasabra 8am - 12 merdia

Servicio pa Fura Matras.....


Busk'e mainta, fur'e
y entreg'e atardi mes

Trabao garantisa pa bo drumi mihor

Servicio ta encera

- * Nos ta revisa bo matras completo
- * Tela di bon calidad borda cu diseñonan bunita cu extra foam pa mihor suport
- * E Fabrica mas recomenda pa fura matras



Sabana Blanco 34-A - Tel: 582 2709 of 582 4405 - Fax: 583 9637
Email: sleepcom@hotmail.com  Sleep Comfort Aruba

Deporte Tricolor

U16 RCA "Insel Air" y U18 RCA "Interprint" a titula Campeon!!!



Despues cu luna pasa U14 RCA "Aruba Bank" a titula Campeon ganando Britannia e final lifida B, siman pasa RCA ta sigi cosecha exito den futbol hubenil.

Tawata un bataya basta fuerte cu RCA "Insel Air" a hiba cu Washington den playoff U16, ganando cu score 4-1 y perde cu score 4-1.

Den e prome partido di e gran final e wegá ta empata 1-1.

Den e di dos wegá di final RCA ta pika 3-0 dilanti pero Washington ta bin bek cu dos gol y pone RCA bao presion pero na final e Soldaatnan hubenil ta sali vencedor 3-2 y captain Glenbert Croes ta ricibi e trofeo di AVB pa ekipo completo lanta e Copa di Campeon divishon menor.

Un dia despues ta U18 RCA "Interprint" ta topa Estrella den di dos wegá di final division mayor.

Despues cu durante campeonato regular,

Estrella a gana RCA na dos ocaшон, den playoff cos a bolter.

El General Valdez a hasi ahustashon pero asina mes prome wegá playoff ta caba 1-1.

Den di dos wegá playoff RCA ta logra gana Estrella pa prome biaha 2-1 despues di cai atras 1-0.

Pa locual ta e final, den e promer wegá RCA ta bolbe cai atras 1-0 pero ta bolbe bons bek cu 2 gol pa bai cu e victoria 2-1.

Den e ultimo wegá di final RCA tawata mucho mas superior y ta vence cu 5-2 pa bai cu otro titulo hubenil.

Captain Bart van Haren a ricibi e trofeo di AVB pa asina ekipo completo lanta e Copa di Campeon.

Pabien na Jeanpierre van der Linden cu a gana e premio goalgether.

RCA kier felicita Staf y tur su hungadornan cu fuera di reforsa hoofdklas tambe

a logra den nan categoria.

Na tur ekipo cu a participa na e campeonatonan y sigur e finalistanan un palabra di gratitud pa hasi e campeonato posibel c sigur AVB.

RCA por resumi un anja super exitoso jegando final den tur divishon di futbol na Aruba.

Titulando Campeon den U14, U16, U18 y Divishon Honor cu a marca historia cu un temporada inolvidabel.

Campeon Copa Don Elias September

2015, Campeon Copa Interinsular Bonaire November 2015, Campeon



Copa Betico Januari 2016, Campeon Campeonato Regular 2015-2016 cu un record nobo 51 punto y Campeon di Aruba 2015-2016.

Guardian Group, Wendy's, V-8 Splash, Vega Dental, Subway, Aruba Bank, Insel Air, Interprint, Neutrogena, Welcome Back Snack, Big Wheel Lottery y Powerade di Tropical Bottling Company masha danki pa sostene e organisashon deportivo di mas grandi na Aruba.

Servicio Rapido

Mario's Septic Service

560-3500 / 565-4477



Deporte Escolar organiza pa IBiSA ta cera Aña Escolar 2015-2016



Cu final di otro Aña Escolar, IBiSA su departamento di Deporte Escolar tambe ta clausura e calendario di competencia di deporte na school. Cu esaki ta conclui un temporada exitoso di deporte competitivo entre schoolnan na Aruba, tanto di Enseñanza Basico como di Enseñanza Avansa.

IBiSA ta gradici tur school cu a participa cu nan alumnonan, compana y guia pa nan docente. Como tambe

tur mayor cu ta apoya nan yiunan durante nan weganan. IBiSA no por keda sin gradici e team di 'School Sport' cu ta prepara for di prome cu inicio di e respectivo aña escolar, planeando y trahando riba e calendario di deporte. Un danki special tambe na referee, umpire y personal di e facilidadnan deportivo cu ta wordo uza durante e weganan, pa nan participacion y tremendo cooperacion.

Despues di e temporada di vakantie, IBiSA lo ta

cla na momento cu e aña escolar nobo cuminsa den luna di Augustus 2016 pa inicia cu su calendario di Deporte Escolar den luna di September.

Pa medio di esaki, IBiSA ta desea nos hobennan y tur docente un dushi temporada di vakantie. Descansa e curpa y mente pa despues por start e proximo aña escolar yen di animo y activamente pa participa grandemente na tur competencia di Deporte Escolar organiza pa IBiSA.



TRAPPERS CLUB



PRIJS SPECIAL
Afls. 650

SPECIAL PA FIESTA DI MUCHA... OF KIDS POOLPARTY

- Pa fiesta di mucha di 1 te cu 5 aña, cu duracion di 4 ora
- Airco - Ta inclui 100 stoel - 10 mesa
- Den e seccion openlucht por haci Poolparty / Dino Jumps

Pa informacion, yama 748-8280

Orange Matras Fabriek

OFERTA di siman

1 set di twin size box y su corchon
afls.415,--

1 set di dobbel box cu su corchon
afls.480,--

tambe nos ta fura set di sala,matras & box
pa mas info call 588-7468 / 592-3344

Brazil Taekwondo Stichting a shoot e ultimo potretnan pa nan kalender di aña 2017

Brazil Taekwondo Stichting a shoot e ultimo potretnan pa nan kalender di aña 2017.

Un diasabra cu a cuminsa for di 5'or y mey di mainta pa tur cu mester a lanta e ora ey pa asina cuminsa cu e trip pa 6'or di mainta caminda pa Santa Cruz.

Ta parce cu Santa Cruz ta e centro di e potretnan di aña 2017, pasobra na varios sitio cu nos a saca potret ta den e distrito di Santa Cruz.

Mester duna danki na e famia cu a brinda nos nan espacio den e cunucu di nan cabritonan.

Un experiencia unico y diferente hunto cu e bestianan. Esaki ta e prome biaha cu Brazil Taekwondo Stichting a saca potret hunto cu bestia. Esaki no tabata facil pasobra no tabata tin e cooperacion di e bestianan. Despues a sigui direccion pa Wela na unda cu e bloki tabata central.

Aki tabata tin tension y presion pa e unico potret di e momento exacto pa e por a wordo saca, pasobra ta dos bloki so tabata tin, uno pa Wela y e otro pa un otro lugar. E tempo no tabata na nos banda y mester a usa flash pa e unico potret aki.

Aruba por conta cu nan lo por cumpra un calender di aña 2017 unico y na diferente parti di Aruba y exterior pa asina sostene e team di Korea pa aña 2017.



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!

Studentenan di Universidad di Aruba a ricibi beca di Ministerio di Enseñanza cu hopi entusiasmo



E nueve studentenan cu a ricibi un beca di 4500 florin cada uno pa atende un "summer program" den exterior tabata tin un encuentro cu Minister di Enseñanza Michelle Hooyboer-Winklaar prome cu nan a sali pa Hulanda. Nan tabata hopi entusiasmo cu e oportunidad cu nan a haya pa por sigui un

"module" den nan ramo di estudio na un institucion di enseñanza di nivel superior, sea HBO of Universidad.

E 9 studentenan ta Jochem Pennekamp, Tatiana Peña, Tracey Werleman, Jourienne Wolff, Ana Delgado Correa, Whitney Gutierrez Arrieta, Kayla Haakmeester, Etiléne Alders y Ivelisse Simon.

Jochem Pennekamp a expresa cu nan ta mira e oportunidad aki como un chens fantastico cu ta yuda den nan desaroyo academico y nan desaroyo social. E estudiante di "Organization, Governance and Management" a bisa cu e ta "een geweldige kans" pa nan tur.

Tatiana Peña, kende ta studiando "Social Work and Development" a referi na e beca como "un oportunidad grandi" pa e studentenan cu kier experencia e situacion den exterior y no tabatin e oportunidad aki den pasado. El a tum'e cu brasa habri y tabata hopi gradici pa e oportunidad. El a scoge pa haci e module "Global Justice and Human Rights" pa haya sa kico exactamente e topiconan aki ta encera y kico e trendnan cu ta influencia mundo ta actualmente.

Un otro estudiante, Whitney Gutierrez Arrieta, a scoge pa atende e module "Nudging, the art of impressing people" na Haagsche Hogeschool na Den Haag. Actualmente e ta studiando Marketing na Universidad di Aruba. El a comenta cu e ta hopi contento y ta gradici e

minister pa e oportunidad cu e ta dunando e studentenan pa medio di e beca special.

Minister di Enseñanza Michelle Hooyboer-Winklaar a keda contento cu e encuentro cu e studentenan y a pidi nan pa ora nan bolbe nan comparti nan experencia cu nan coleganan na Universidad. E Minister a splica cu e intencion ta pa ofrece e becanan aki atrobe na fin di e aña academico 2016/2017 pa e studentenan haya un experencia internacional durante di nan estudio na Aruba.

Minister Hooyboer-Winklaar ta encurasha studentenan cu ta desea di ricibi un di e becanan otro aña pa cuminsa sondea e oportunidadnan cu tin pa atende un "summer program" den exterior.

Resultado di number:

Dialuna 04 Juli 2016

Merdia

Catochi
8016
0726
4416

Zodiac
8596 Tauro

Big 4
4252

Diario
3435
8309
0521

Curacao
9518
6490
2459

Anochi

Catochi
6542
6310
2524

Zodiac
4284 Libra

Big 4
0717

Super 4
5179

Lotto di dia
01-18-21-26-29

PUEBLO A HAÑA SU PEN BEK
Pa kualkier informacion
solodipueblo@gmail.com
of
585-9500

Backhoe & Bobcat Services

Lanta sushi, rosa tereno, coba pos pa fundushi
santo y piedra

Pa mas info yama 593-5050 of 592-1116

Tipline: 585-9500

Coordinador Nacional contra Contrabanda y Traficacion di Hende, mr. drs. Jeannette Richardson-Baars

Aruba por ta contento cu e trabao cu Taskforce ta haciendo

US State Department a evalua Aruba na "TIER 2"

Despues di a tuma nota di e "TIP report 2016" emito door di "US State Department" encuanto evaluacion di e esfuerzonan di cada pais pa combati traficacion di hende, Coordinador Nacional contra Contrabanda y Traficacion di Hende pa Aruba, mr. drs. Jeannette Richardson-Baars ta reacciona y aclaria e informacion publica.

Na prome lugar Aruba ta yama Sint Maarten pabien cu e evaluacion den "TIER 1", cu ta e evaluacion mas halto posibel den e sistema di TIP. TIER 1 kier meen cu un pais ta cumpli cu tur e rekisitonan di TIP. Aruba a keda den TIER 2 cu tambe ta un bon evaluacion. TIER 2 kier meen cu e pais no ta cumpli cu tur e rekisitonan pero si ta haci suficiente pa combati traficacion di hende.

Den nos opinion e prioridad mester wordo poni riba prevencion di Traficacion di Hende, pasobra si un hende no ta bira victima no tin necesidad pa raporta, investiga y castiga. Cifranan di cuanto caso a bay Corte of cuanto victimanan a wordo yuda no mester ta decisivo den e evaluacion di TIP, pero mas bien tur e esfuerzonan cu un pais ta haci pa preveni y combati traficacion di hende.

Aruba tin pa casi 10 aña caba un Taskforce contra Contrabanda y Traficacion di Hende cu ta consisti di representantenan di tur e gremionan cu tin di haber cu e tema.

E taskforce ta traha riba un nivel multi disciplinario na Aruba y a zorg pa lanta conscientizacion tocante Traficacion di Hende cu campananan informativo.



Tambe a inicia un liña di telefon special (5923231) cu por wordo yama pa yudanza 24 ora pa dia, 7 dia pa siman.

Na aña 2013 Aruba tabata tin e prome investigacion di Traficacion di Hende den Caribe Hulandes y a traha hunto cu paisnan den region y internacional pa identifica y proteha victimanan.

Den e caso aki e sospechosonan a wordo castiga. Den Corte di apelacion a confirma e conviccion y a dicta un castigo mas halto ainda. Esey lo wordo raporta den e "TIP report 2017", door cu esey a sosode den cuminsamento di aña 2016.

Ta berdad cu na Aruba

ningun caso a wordo persigui of hiba dilanti di Huez den 2015. Si a investiga 6 posibel casonan y a brinda proteccion na e posibel victimanan.

Hopi energia a wordo hinca pa profesionaliza e trabao di Taskforce door di traha un 'Plan van Aanpak' pa 4 aña te 2019 y menciona e puntonan di accion cu mester wordo cumpli cune.

E "TIP report" di 2015 a duna Aruba 7 recomendacion y tur esakinan a wordo poni den e "Plan van Aanpak". Hopi di nan a wordo ehecuta caba of ta den procesa di wordo ehecuta.

Tambe taskforce a conscientiza tur

e trahadornan di e departamentonan cu tin di haber cu e tema di Traficacion y Contrabanda di hende. For di April te cu awe ya un total di 230 personanan a sigui e training.

Ta trata di empleadonan di Cuerpo Policial, Inmigracion, Duana, Kustwacht, Directie Arbeid en Onderzoek, Dimas, Dienst Sociale Zaken y RST. Despues di vakantie e trainingnan nan lo sigui. Tambe a pone hopi enfasis riba "awareness training" pa studiantenan y hobennan den nos comunidad.

Un cambio grandi a tuma lugar door di formacion di 'Coördinatiepunt Mensenhandel y Mensensmokkel' bao di e

Coordinador Nacional den cuminsamento di 2016. Un di e tareanan ta registra y analiza tur señalnan di posibel Traficacion of Contrabanda di Hende pa asina casonan por wordo descubri mas tempran. E Coordinatiepunt por ripara cu e prome mitar di aña 2016 ya tin 9 caso registra y 2 caso ta bao investigacion di Cuerpo Policial.

Aruba por ta contento cu e trabao cu Taskforce y Coordinatiepunt a haci bao guia di Coordinador Nacional contra Contrabanda y Traficacion di Hende pa Aruba.

Tur involvi ta sigui combati Contrabanda y Traficacion di Hende cu mesun energia y perseverancia awor y den futuro.

Busca Palabra

Aruba a uni pa 24 ora! Danki!

Palabranan por bay dilanti, bay atras, horizontal, vertical of diagonal.

```

M M R D U E U T D A P K O F S
A N D R I N A D I R K S B U I
X S Q E X S F E A Q O P C I M
L A C C G K C F O A O P O E U
T R O A O R A E M T A M A A L
R O N U U D A D I S E C E N T
A B F D K R A D I O T H O N A
N A E A H E M N P B I E A H N
S L R B M U F D U K E N J R E
P O E C V D N F N X O J E M A
A C N A M R P A I D E L S R M
R N C T W N D T N O U X X A E
E U I Y C H O O M I D E P D N
N A A R A S F A I N O S U Q T
T E W S O E T N Z N R O E Q E
E F F C Q E P B L A Y U C G E
    
```

simultaneamente

FPNC

Andrina Dirks

recauda

transparente

radiothon

fondonan

exitoso


conferencia

Danki

necesidad

colabora

Solucion



RESULTADO DI FIESTA BAILABLE DEDICA NA NOS MAMANAN UN EXITO TOTAL

Comision "Cas Parokial Santa Filomena" ta mira atras ariba un fiesta sumamente exitoso dedica na nos Mamanan, cu e meta pa recauda fondo pa reconstruccion di e edificio "Centro San Hose" cu lo bai carga e nomber "Cas Parokial Santa Filomena. Tabata diasabra ultimo, esta dia 7 di mei den Renaissance Convention Center a tuma lugar e grandioso fiesta bailable acompaña pa Robert Jeandor y su Solo Banda Show hunto cu Metropolis Disco.

Pa diesdos'or e Mamanan a ricibi e grato sorpresa di a wordo deleita pa Toni Trinidad for di Boneiro y e conocido Francis Jacobs. Comision Cas Parokial Santa Filomena pa medio di e comunicado aki kier a gradici Pastoor Toti Fuentebella cu a kere den e proyecto, na Sharine Geerman, cu a yuda Comision den tur forma pa organiza e evento, na tur nos artistanan cu a anima e anochi, na taxidancers di skol di Pachanga, MC George Winterdaal y boluntarianan cu a yuda

durante e evento. Na tur medianan di prensa pa nan cooperacion ricibi promoviendo e fiesta bailable aki. Un inmenso gratitud na cada comerciante y e pueblo di Aruba en general cu a sostene den forma di donacion y compra di ticket. E suma recauda pa e evento aki ta nada menos cu: fl. 61.960,87.

Nos ta gradici Papa Dios pa Su bondad y forsa cu El a duna nos pa logra e meta pa e promer fase di "Cas Parokial Santa Filomena."

Botica na Warda:

3 JULI - 9 JULI
Botica del Pueblo
Botica San Nicolas

Rooster di dokter na Warda IMSAN pa luna di JULI 2016

MA --	MA 18 DE CUBA
DI --	DI 19 EVERY
WO --	WO 20 GIEL
DO --	DO 21 LINDEN V/D
VR 01 BODERIE	VR 22 TROMP
MA 04 DE CUBA	MA 25 VIS
DI 05 EVERY	DI 26 WEVER
WO 06 GIEL	WO 27 BODERIE
DO 07 LINDEN V/D	DO 28 BRITT-CROES
VR 08 LUCHMUN	VR 29 DE CUBA
MA 11 TROMP	
DI 12 VIS	
WO 13 WEVER	
DO 14 BODERIE	
VR 15 BRITT-CROES	

WEEKENDDIENST

02 - 03 JULI *	LUCHMUN
09 - 10 JULI *	TROMP
16 - 17 JULI *	VIS
23 - 24 JULI *	WEVER
30 - 31 JULI *	BODERIE

Numbernan di Emergencia:

Central di Brandweer	911
Polis	100
Sanicolas	104
Sta Cruz	105
Oranjestad	102
Shaba	107
Tip Line	11141
Hospitaal	527-4000
Centro Medico San Nicolas	524-8833
Ambulance	
Wayaca	582-1234
Sanicolas	584-5050

Switch Foundation y studiantenan di Universidad di Aruba ta join proyecto cu lo beneficia nos comunidad



Tres estudiante di Universidad di Aruba, cu ta siguiendo e programa: Organization, Governance y Management (OGM) di e facultad di Arts & Science, a uni cu Switch Foundation pa un tremendo proyecto.

Durante un di e cursonan, e studiantenan a haya e oportunidad pa colabora cu un organizacion local pa distribui un proyecto cu lo beneficia e comunidad di Aruba. E studiantenan,

Magali Guzman, Sinthya Ridderstaat y Stephanie Arango a scoge pa asisti Switch Foundation den e plan di distribucion pa futuro documentarionan.

Nan plan di distribucion lo enfoca riba instancianan educativo na Aruba, unda cu documentarionan di Switch Foundation lo por wordo uza pa asisti docentenan den dunamento di les.



E proposito di e plan aki tambe ta pa expone "Switch" como un fundacion cu ta enfoca riba e desaroyo di nos comunidad atravez di material audiovisual.

Switch Foundation durante varios aña a traha documentarionan enfoca riba diferente topico. E temanan tabata basa den e problematica social na Aruba y nan a haya un bon acogida den nos

comunidad.

Como parti di nan proyecto, e studiantenan a haci un presentacion na Colegio EPI, sector di Ciencia y Tecnologia. E presentacion a tuma lugar dia 28 di April cu studiantenan di e prome aña di e sector menciona.

E studiantenan di Universidad di Aruba a duna un splicacion di nan proyecto y di nan colaboracion cu Switch Foundation. Un parti di e documentario, "Adiccion no ta e droga ta bo mes!" a wordo presenta na e studiantenan di EPI y na final Paula Nahr, directora di e fundacion a splica e

hobennan kico ta Switch y ki rol Switch tin den e desaroyo social di nan como hobennan.

Na final di e presentacion, e hobennan a wordo pidi pa duna nan feedback pa asina yuda Switch den futuro.

Switch Foundation y e studiantenan di Universidad di Aruba kier extende palabranan di gradicimento na Sr. Carlos Martinus y Sra. Charlotte Ponticorvo pa a duna e oportunidad di expone parti di e proyecto aki na e studiantenan di e sector Ciencia y Tecnologia.

E mesun presentacion aki cu a wordo presenta na e studiantenan di Colegio EPI a wordo duna tambe na scol basico Rosario College. E rason pa haci e presentacion na e scol ta pa haya e atencion di muchanan un tiki mas jong.

Pa cu esaki, kier bisa danki na e cabezante di Rosario College, Juffrouw Monique Trappenberg, pa duna e oportunidad pa haci e presentacion aki posible.

Pro Ta2 Shop



Situa awor na Sta. Cruz # 36, otro banda di Colegio San Hose
Telefoon: 593-3946



CLASSIFICADOS...

TA BENDE

Cabaron sin cabes
25,- pa kilo

Cocolishi pa 13,- pa
kilo

Por yama pa
pedido na 5690131

CHAPI VERF

Nos ta chapi, verf cas,
rosa tereno, y limpia,
tira sushi na dump.

E prijs mas barata na
ARUBA

WHATSAPP 561 1397

Laga Solo di Pueblo
cubri bo celebracion,
bo fiesta, b-day, of
casamento!
Yama nos fotografo
na:
748-3293



TA BUSCA

Ta busca pa cumpra
tereno di 400 of 500
m2 cu fundeshi unda
cu ta pa cliente

Call now:
569-4343

FOR SALE



Aruba Quality Deals
Toyota Camry 2011



vehicle is in very good
condition, automatic,
gasoline, power locks, power
windows. Everything is
working
call now 5694343
price :15000

BYD 2012



VERY LOW MILEAGE
gasoline, automatic, power
lock, power window
price : awg 15000
(negotiable)
call now 5694343

Suzuki Celerio 2012



STANDART, GASOLINE
vehicle in his highest
performance
CALL NOW 5694343

Ford EXPLORER 2006

FULLY LOADED



CALL NOW 5694343

AVISO

Pa Oracion prome cu
entierro

Esta vigilia

y oracion despues di entierro
esta ocho dia



por yama Atanasio Brems

Cel: 569-2763 of 5686141



**SEMPER NA BO
ORDO.**



Ta Busca pa Cumpra

tereno di 400 of 500 m2 cu fundeshi unda cu ta pa
cliente .

Call now: 569-4343

TA BENDE CASNAN

Oranjestad 3 kamer 2 banjo y 2 apartment Afl
380.000,00

Babijn 2 piso 4 kamer 1 aptment Afl 375.000,00
Primavera 4 kamer 2 banjo afl 230.00,00

Pa mas info yama 593-7118

TA BENDE

Pick up Mazda año 2002 Price 4000
fl y negociabel. Bin cu bo mecanico
di confianza Pick up ta den bon
condicion pa trabao

Mi mester bende awe mes si ta
posibel ta acepta mihor oferta

Call now 5694343

TA BENDE



Mitsubishi lancer

Año 2005 , fully loaded.
Automatic , airco

Awg 10000,- y negociabel

Ta garantisa duracion di motor y transmision .

Call 5694343 or whats app 7418669

Tip line 5926895
solo di pueblo @
gmail.com



REMITIDO

NO TRECE E LEYNAN DI SODOMA Y GOMORRA NA ARUBA, TOCANTE CASAMENTO DI E MESUN SEXO

Pa cuminsa, hendenan cristian di Dios no ta discrimina ningun hende, pero e ta rechaza e pikanan grandi cu un persona ta biba aden, cu ta tur e pikanan y ofensanan cu ta contra di e 10 Mandamentonan di Dios.

Si nos lesa den Bijbel Genesis 2: 27 y 28, ta bisa bon cla, cu Dios a traha homber y muher y a bisa, sea fertil y multiplica. Akinan nos mester comprende, cu un yiu ta nace pa medio di un tata y di un mama, pa e yiu wordo forma manera mester ta, homber y muher. Den e di 9 Mandamento di Dios ta bisa: "No comete e pika di fornicacion y e pika di deshonesto." Kico ta e pika di deshonesto? Esaki ta un pika di ofensa grandi cu un hende ta comete pa motibo di e tentacionnan di e mal pasion di satanas, cu hende ta deshonra nan mesun curpa cu otro, muhernan ta cambia nan tradicion natural cu homber pa comete e mal pasion entre muher cu muher. Hombenan a kita e tradicion natural cu muher pa comete e mal pasion entre homber cu homber etc. etc. Awor e pregunta ta, den Bijbel pakico Dios Tata a destrui e dos ciudadnan grandi di Sodoma y Gomorra cu tur su habitantenan cu candela? Lesa Bijbel bon, Genesis 19: 1 – 23, e motibo ta, pasobra Dios a mira cu e hendenan aki tabata deshonra nan mesun curpa cu otro, nan tabata tin relacion sexual entre homber cu homber y entre muher cu muher y p'esey nan tur a wordo elimina cu candela cu a baha for di cielo. Lesa Bijbel Levitico 20: 13, loke Dios ta bisa: "E homber cu drumi cu un homber manera ta drumi cu un muher, nan dos ta comete actonan repugnante, nan dos lo muri y nan sanger lo cai riba nan." Akinan nos por comprende cu esnan homosexualnan y lesbiananan, cu nan actonan sexual ta abominabel y repugnante den bista di Dios. Den Bijbel Levitico 18: 22, Dios ta bisa: "Lo bo no tin relacion sexual cu un homber manera cu sa haci cu un muher, esey ta un acto abominabel." Den Bijbel Marco 10: 6 – 9, "Den principio tempo di creacion, Dios a trahanan como homber y muher. Pa esey e homber

lo bandona su tata y su mama pa e uni cu su muher y e dosnan aki lo bira un solo curpa." Esaki nos ta jama e Sacramento di Matrimonio, na unda cu Dios ta uni e homber y e muher pa nan por tin relacion sexual y pa nan forma un famia.

Mi ta duna un ehempel, un mucha no ta nace mala mucha, e no ta nace un criminal, e no ta nace ladron, e no ta nace choller, e no ta nace homosexual, e no ta nace lesbiana, e no ta nace drogadicto etc. etc. Pero un mucha ora cu e crece, e ta wordo exponi den diferente tentacionnan di satanas pa medio di mal hendenan, anto e ora ey e por bira un ladron, un drogadicto, e por bira un criminal, e por bira un homosexual, e por bira un lesbiana, e por bira un choller etc. etc. Por ehempel, si bo tin un saco di batata y den e saco bo tin un batata putri y si bo no saca e batata putri na tempo, anto tur e otro batatanan bon ta wordo dañá tambe. P'esey na tur e mayornan, tatanan y mamanan, boso mester coregi y siña boso yiunan di loke ta bon y di loke ta malo, di loke ta moral y di loke ta inmoral, di loke ta honesto y di loke ta deshonesto, di loke ta bini di Dios y di loke ta bini di satanas. Mayornan, nunca laga boso yiunan anda cu mal hende, sea cu mal amigo of cu mal amiga, pa boso yiunan no bai perdi y wordo danja den e mal caminda. Coregi boso yiunan na tempo y disciplinanan pa nan por keda obediente.

Mester comprende, mescos cu un ladron por stop di ser ladron, un drogadicto por stop di ser adicto, un alcoholico por stop di ser alcoholico, un criminal por stop di ser criminal, asina tambe un homosexual por stop di ser homosexual y un lesbiana por stop di ser lesbiana etc. etc. Pasobra pa Cristo Hesus nada no ta imposibel pa cambia bida, pa un bida cu Cristo Hesus kier pa nos tur biba, pa un dia nos tur por drenta Su Gloria eterna. Bosonan no a nace di un tata y di un mama? Of bosonan a nace di homber cu homber of di muher cu muher? Awel, sigi e bon ehempelnan natural di un tata y di

Continuacion pag. 31



Transferfactor Cardio

TRATAMENTO PA CURAZON SALUDABLE

Evitar cateterismo, arritima cardiaca y mucho mas y combatir los radicales libres

Factor de transferencia E-xf , del calostro bovino, respalda este revolucionario producto , nos proporciona el conocimiento inmunologico critico que necesitamos para un efecto apoyo cardio vascular, promueve la salud cerebral y el flujo periferico de la sangre.

Ingredientes: Targeted transfer factor ,vitamina A , vitamina C , vitamina E , niacina,acido folico ,vitamina b12 , magnesio , zinc, selenio , potasio , Q10 , extracto de la levadura de arroz rojo , revestanol , aceite de jengibre .

Sugerido :

1. promover la eficiencia del corazon.
2. Conocimiento Inmunologico
3. Mejorar la circulacion y oxigenacion hacia el cerebro y todo el cuerpo
4. llevar a niveles optimos colesterol y trigliceridos
5. integridad de venas y arterias
6. combatir los radicales libres
7. Fatiga Cronica
8. venas varicosas
9. arritima cardiaca
10. presion alta
11. evitar cateterismo

Uso : 4 capsulas diarias, ingerir con 8 oz de liquid

**Call now 5694343 -
Or whats app 7418669**

Habri bo account y ricibi descuento

Ainda no tin claridad pakico polis no ta bay accidentenan mas, ni pueblo sa con pa categoriza un accidente

Diasabra atardi a drenta informe di un accidente na e cruzada Hendrikstraat/J.G. Emanstraat, deduciendo cu no tabata tin hende herida na e momentonan ey esun cu a yama a ser bisa cu e tin cu yama Roadservices ya cu esaki lo ta un accidente chikito y cu aseguronan mes lo atende. Pero un rato despues un di e

chofernan a cuminsa sinti dolor y a bolbe yama pero ey el'a haya zundra ya cu un rato prome e ta bisa cu no tin hende herida y awor si. En fin a dirigi un patrulla di trafico. Pero prome cu e patrulla a yega e autonan a ser hala un banda y roadservice a tuma e accidente. Pa locual ta e accidente mes ta trata aki di un auto

blanco cu tabata bayendo nort den Hendrikstraat no a duna preferencia na e Kia geel bayendo pariba den Emanstraat. E auto blanco aki a dal e Kia geel pushe mande dal ambos ream banda robez riba e banda di e acera. E impacto tabata fuerte y despues di un rato e dama chofer di e Kia a cuminsa keha di dolor.



Cabezante di Colegio San Augustin ta contento cu tur cos ta cla pa muda bek pa nan school



Colegio San Augustin pa hopi aña no a haya un renobacion manera mester ta, y e school tabata den un estado di deterioro.

Actualmente despues di un renobacion completo y ampliacion di e school, e cabezante y su team ta cla pa cuminsa muda bek pa habri aña escolar 2016/2017 den nan mesun edificio.

Cabezante di e school, Maribel Lampe a bishita e school recientemente hunto cu Minister di Enseñanza Michelle Hooyboer-Winklaar, unda cu nan por a mira cu ta algun detaye so tabata falta pa e trabao keda cla.

Lampe a bisa cu e ta hopi contento pa su

alumnonan, pero mas ainda pa e docentenan cu a carga enseñanza na e school durante di tur e añanan cu e scol tabata den un situacion fastioso. El' a agrega cu nan tabatin pasenshi, y cu nan ta bay ta satisfecho cu e cambionan cu nan ta bay topa cun'e awor. A topa cu poco contratiempo durante di e renobacion di Colegio San Augustin na San Nicolas. Pero despues di resolve e retonan un pa un a yega na un producto final hopi bunita y e school tin diferente detayenan moderno, manera facilidatnan cu ta adapta na alumnonan cu un problema di movilidad. Di berdad un school cu tur hende por ta hopi contento cun'e y orguyoso di dje.

Continuacion di pagina 29

LEYNAN DI SODOMA Y GOMORRA

un mama y no sigi e mal pasionnan di tentacion di satanas cu kier hanja boso almanan despues di morto. Corda bon, no biba pa biba den un bida di ignorante y den un bida di orguyonan robez, lagando Dios un banda y di no cumpli cu Dios Su palabranan den Bijbel y

sin cumpli cu Dios Su 10 Mandamentonan y di Su Boluntadnan. Na tur esnan cu no ta obedece Dios Su Boluntad, lesa Bijbel den 2 Tessalonicensenan 1: 8.9 ; "Den candela ardiente pa castiga esnan cu no ta reconoce Dios y na esnan cu no ta obedece na Evangelio di nos Señor

Hesus. Nan lo paga pa esey cu perdicion eterno leu for di Cara di Senjor y di Su Mahestad di Su Forsa." Corda bon, cu ni e bestianan no ta haci relacion sexual cu nan mesun sexo.

No trece maldicion pa Aruba!



Oracion di Dia

E mundo di awendia mester sa cu apesar di nos miseria y di nos piká Hesus ta dispuesto pa drama su misericordia riba nos tur. Manera cu E la haci mas cu 2000 aña pasá dramando su sanger riba cruz pa amor pa cada un di nos. Pero nos mester ta yiunan obedecido na Dios habriendo nos curason pa Dios obra den cada un di nos. Laga Dios ta Dios den nos bida, den bida di nos famia, na trabow y tur caminda. Nos no por kita e puesto di Dios. Ta E a crea nos y nos ta di dj'E. nos ta su yiunan cu E ta stima pero tambe cu E ta desea pa nos cumpli cu su boluntad,

cu su mandamentonan, su leyman. Laga nos pidi Dios pa nos por ta mansu y humilde obedeciendo Dios y pidiendo Dios pa nos por tin yiunan cu por entregá nan bida na Dios pa su Honor y Gloria

Amen

Hefe nobo na e Centro di Kustwacht na e punto di apoyo na Hato



Den un ceremonia chikito diabierna na e hangar na e punto di apoyo di Kustwacht di Hato den presencia di e director di Kustwacht, familiares, amistadnan y coleganan, a tuma lugar e traspaso di mando di e Luitenant der Zee der 1ste klasse Jean Pierre Vermeulen over na e Luitenant der Zee der 1ste klasse Olav Burger kende lo fungi como e

hefe nobo na e steunpunt Hato entrante e diabierna 1 di Juli 2016.

Riba e foto por mira d.r.p.d. LTZ1 Olav Burger, Director Kustwacht Hans Lodder y LTZ1 Jean Pierre Vermeulen.

Esnan presente a felicita e oficial cu e cargo nobo y nan a desea pa e tin hopi exito cu e cargo aki.

4 sale..Se vende.. Ta bende..



Nice house/condo/ apartment... @ Cunucu Abao, Noord.

The apartment is unit # 2 as on the pic. Centrally located 3 blocks away from the beach, hotels, gas station, Sasakiweg, Sasaki strip malls, restaurants and supermarkets. / 2 bedrooms – 1 bathroom 60m2.

Land: 103m2, eigendomsgrond.

Completely furnished + a/c

Asking Afl. 145.000.00... for info, pls call 7390101

FOR SALE:

Ford Everest XLT/year 2007/4-cylinder Diesel Turbo Automatic/ Only 90.000 km on it/ One owner and is in very good condition.

Asking price Awg. 26,000/ Call 594-4100 for more information.



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

**PRONOSTICO DI TEMPO VALIDO TE
DIAMARS 05 DI JULI 2016**

COMPILA:

DIALUNA 04 DI JULI 2016 17:00 (21:00 UTC)

TEMPO:

**DIALUNA ANOCHI: LEVEMENTE TE
PARSIALMENTE NUBLA CU UN AWACERO
BREVE**

**DIAMARS: PARCIALMENTE NUBLA CU ALGU
DI AWACERO LOCALMENTE**

**TEMPERATURA MAXIMO 33 GRADO CELSIUS
Y TEMPERATURA MINIMO 27 GRADO
CELSIUS.**

**SOLO LO BAH AWE NOCHI 07:10 PM Y LO
SALI MAYAN MAINTA 06:20 AM.**

BIENTO:

**FOR DI DIRECCION OOST TE OOST
NOORDOOST Y MODERA TE BASTA FUERTE;**

**FORSA 4 TE 5 (20 TE 39 KM/ORA, 11 TE 21
NUDO)**

**DEN DIA DE BES EN CUANDO FUERTE TE
DURO DEN RAFAGA;**

**FORSA 6 TE 7 (40 TE 61 KM/ORA, 22 TE 33
NUDO);**

SITUACION GENERAL DI TEMPO:

**DEN PROXIMO 24 ORA, HUMEDAD DEN
ATMOSFERA REGIONAL LO PRODUCI
TEMPORALMENTE UN AUMENTO DI**

**NUBIA FOR DI CUAL POR CAI ALGU DI
AWACERO RIBA ISLA DI ARUBA.**

CONDICION DI LAMA:

**OLANAN DI LAMA LO TA FOR DI DIRECCION
OOST CU HALTURA DI 5 TE LOCALMENTE 9
PIA**

**TEMPERATURA DI SUPERFICIE DI LAMA 28
GRADO CELSIUS.**

FENOMENONAN SPECIAL: NINGUN

TEMPO TROPICAL: NINGUN

**REGISTRACION DI TEMPERATURA (CELSIUS)
Y AWACERO (MM) DEN ULTIMO 24 ORA :**

AIRPORT MAX 33 / MIN 27 / 0.0

HADICURARI MAX 30 / MIN 27 / 0.0

**PRONOSTICO DI TEMPO PA PROXIMO
DIANAN DI SIMAN:**

**LEVEMENTE TE PARCIALMENTE NUBLA CU
UN AWACERO BREVE;**

**BIENTO LO TA FOR DI OOST TE NOORDOOST
Y LO TA MODERA TE BASTA FUERTE,**

**DE BES EN CUANDO FUERTE TE DURO DEN
RAFAGA.**

TEMPERATURA MAX/ MIN LO TA: 33/28

Salmo di Dia

Revolucion

caida di Babel

1 Despues mi a mira un otro angel
baha for di cielo. E tabata tin gran poder
y su splendor tabata ilumina mundo.

2 El'a grita cu stem fuerte: 'El
a cay! Babel, e ciudad grandi a cay.
Ela bira un lugar di biba pa demoño,
un lugar di sconde pa tur sorto di mal
spirito, un lugar di sconde pa tur sorto
di para impuro, un luga di sconde pa tur
sorto di bestia impuro y repugnante.

3 Tur pueblo a bebe di e biña
terco di su inmoralidad, e reynan di
mundo a comete inmoralidad cune, y
e comerciantenan di mundo a bira riko
door di su decadencia sin limite.'

4 E ora ey mi a tende un otro stem
for di cielo, cu a bisa: 'Sali for di dje, mi
pueblo! Sino boso ta bira complice di su

pikanan y e plaganan cu ta bini riba dje,
lo afecta boso tambe.

5 Pasobra su pikanan a monta
yega te na cielo. Y Dios no a lubida su
maldadnan.

6 Trate manera el'a trata boso,
page dobbel bek di loke el'a haci cu
boso. Basha cos di bebe den su beker
cu ta dobbel mas sterki cu loke ela duna
boso pa bebe.

7 cause mes tanto dolor y tristesa
cu e luho y decadencia cu el a permiti
su mes. Pasobra e ta bisa den su mes:
"Mi ta sinta manera un reina riba mi
trono! Mi no ta viuda, mi no tin mester di
bisti rou nunca."

8 Pesey tur plaga lo afecte un dia:
pest, rou y mizeria di hamber. Lo e kima
den candela, pasobra Señor Dios cu ta
huzge, ta poderoso.'

Barco di buskeda ta haya tur e restonan humano di e avion di Egyptair



Un barco di buskeda
contrata pa e Gobierno
Egipcio, a recupera tur e
restonan humano di e vuelo
MS804 EgyptAir, cu a
disparce den Mediterraneo
na Mei ultimo, segun e
comite di investigacion di

accidentenan di aviacion
di Egipto.

E Airbus A320 a sink
den Mediterraneo oriental
riba e ruta di Paris pa El
Cairo, dia 19 di Mei y e
66 personanan a bordo a

muri. Ainda ta desconoce
e causa di e accidente.

Ta supone cu e avion cu
a cay den e parti di mas
profundo di e Mediterraneo.
Investigadonan a cuminsa
na analiza un di su
registradonan yama di e
vuelo di cana preto y ta
extrayendo informacion di
e otro.

E ruinan di e jet a wordo
hiba pa e aeropuerto
di El Cairo siman pasa,
unda investigadornan ta
purba di bolbe na monta
parti di e marco pa yuda
establece loke por a causa
e desastre.

Invitacion

Ta extende un invitacion na tur fiel Catolico urgente pa lo siguiente:

Lo tin un oracion y adoracion den Santisimo Sacramento di altaar

Diarazon 6 di Juli 2016 di 3'or pa 7'or

7 pm lo tin un Santo Sacrificio di misa na Imaculada Concepcion na Santa Cruz

Intencion ta pa impedi e aprobacion di e ley cu ta contra ley di DIOS.

Nos ta warda boso, e amor di Dios, defende bo fe.